

四庫全書薈要

• 乾隆御覽本

史部

欽定四庫全書薈要

史部
水經注卷十四
五

詳校官編修臣
繆晉



水經注卷十四

後魏 酈道元 撰


濕餘水 沽河 鮑丘水 濡水

大遼水 小遼水 涓水

濕餘水出上谷居庸關東

案漢書地理志上谷郡軍都濕餘水東至路南入沽元史

秦定三年溫榆水溢昌平山水記云溫榆河即昌平之榆河遼史作溫榆本水經注之濕餘水以字相似而訛也今考溫與濕並灤之訛後漢書王霸傳云可從溫水漕溫水乃灤水唐韋挺運來至盧思臺方知渠閉則久



壞不脩耳。霸所潰者，溫水，非溫餘水也。李賢注引溫餘，釋之疎矣。澤水有說文為顯證，而溫餘見漢書，溫餘見水經，承說已久，今姑仍之。

關在沮陽城東南六十里，居庸界故關名矣。更始使

者入上谷。

案近刻脫更始二字

耿況迎之于居庸關，即是關也。

其水導源關山南，流歷故關下，溪之東岸有石室三層，其戶牖扇扉悉石也。蓋故關之候臺矣。南則絕谷

累石為關垣。

案近刻訛作址

崇墉峻壁，非輕功可舉。山岫層

深，側道褊狹，林鄣邃險。

案近刻訛作據

路才容軌，曉禽暮

獸寒鳴相和羈官遊子聆之者莫不傷思矣其水歷

山南逕軍都縣界又謂之軍都關續漢書曰尚書盧

植隱上谷軍都山是也

案近刻脫是字

其水南流出關謂之

下口水流潛伏十許里也

案近刻也上行是字

東流過軍都縣南

案東流上近刻衍又字

又東流過薊縣北

濕餘水故瀆東逕軍都縣故城南又東重源潛發積

而為潭謂之濕餘潭又東流易荆水注之其水導源

西北千蓼泉

案近刻北下行逕字

亦曰丁蓼水東南流逕郁山

西謂之易荆水公孫瓚之敗于鮑丘也走保易荆疑

阻此水也

案瓚走保易京在今雄縣界非易荆水也此誤引

易荆水又東左

合虎眼泉水出平川東南流入易荆水又東南與孤

山之水合水發川左導源孤山東南流入易荆水謂

之塔界水又東逕薊城又東逕昌平縣故城南

案昌平近

刻訛作平昌

又謂之昌平水魏土地記曰薊城東北百四

十里有昌平城城西有昌平河又東流注濕餘水

案流

近刻訛作北

濕餘水又東南流左合片城水

案合近刻訛作右

水

出北山南逕芹城

韋此下近
刻有又字

東南流注濕餘水濕餘

水又東南流逕安樂故城西更始使謁者韓鴻北徇
承制拜吳漢為安樂令即此城也

又北屈東南至狐奴縣西入于沽河

昔彭寵使狐奴令王梁南助光武起兵自是縣矣濕
餘水于縣西南東入沽河故地理志曰濕餘水自軍
都縣東至潞南入沽是也

案潞今漢
書作路

沽河從塞外來

沽河出禦夷鎮西北九十里丹花嶺下東南流大谷

水注之水發鎮北大谷溪西南流逕獨石北界石孤

生不因阿而自峙

案阿近刻
訛作河

又南九源水注之

案源
近刻

訛作
泉

水導北川左右翼注八川共成一水

案八近刻
訛作八

故有九源之稱其水南流至獨石注大谷水大谷水

又南逕獨石西又南逕禦夷鎮城西魏太和中置以

捍北狄也又東南尖谷水注之水源出鎮城東北尖

溪西南流逕鎮城東西南流注大谷水亂流南注沽

水又南出峽夾岸有二城

案近刻脫夾字

世謂之獨固門以

其藉險憑固易為依据

案据據古字通

巖壁升聳

案巖近刻訛作兼

疎通若門故得是名也沽水又南左合乾溪水引北

川西南逕一故亭東又西南注沽水沽水又西南逕

赤城東趙建武年并州刺史王霸為燕所敗退保此

城城在山阜之上下枕深隍

案枕近刻訛作抗

溪水之名藉

以變稱故河有赤城之號矣沽水又東南與鵲谷水

合水有二源南即陽樂水也

案濡水注內又別有陽樂水此水漢志作樂陽

水

出且居縣地理志曰水出縣東南流逕大翻山小

翻山北

案東南流近
刻作東北流

歷女祁縣故城南地理志曰東

部都尉治王莽之祁縣也世謂之橫水又謂之陽田

河

案田近刻
訛作曲

又東南逕一故亭又東左與候鹵水合

案候近刻
作舊下同

水出西北山東南流逕候鹵城北城在

居庸縣西北二百里故名云候鹵太和中更名禦夷

鎮又東南流注陽樂水陽樂水又東南傍狼山南

案傍

字上近刻

山石白色特上

案近刻
脫白字

亭亭孤立超出羣

衍還字

山之表又東南逕溫泉東泉在山曲之中又逕赤城
西屈逕其城南東南入赤城河河水又東南右合高
峯水水出高峯戍東南城在山上其水西南流又屈
而東南入沽水沽水又西南流出山逕漁陽縣故城
西而南合七度水水出北山黃頌谷故亦謂之黃頌
水東南流注于沽水沽水又南漁水注之水出縣東
南平地泉流西逕漁陽縣故城南應劭曰在漁水之

陽也

案近刻脫此九字

考諸地說則無聞

案此下近刻行所闕釋三字

脈

水尋川則有自

宋近刻訛作考地尋川則有應氏自

今城在斯水之陽

有符應說漁陽之名當屬此秦發閭左戍漁陽即是

城也漁水又西南入沽水

案漁水近刻訛作漁陽

沽水又南與

螺山之水合水出漁陽城南小山魏土地記曰城南

五里有螺山其水西南入沽水沽水又南逕安樂縣

故城東晉書地道記曰晉封劉禪為公國俗謂之西

潞水也

南過漁陽狐奴縣北西南與濕餘水合為潞河

案潞近刻訛作

沽

沽水西南流逕狐奴山西又南逕狐奴縣故城西漁
陽太守張堪于縣開稻田教民種殖百姓得以殷富
童謠歌曰桑無附枝麥秀兩歧張君為政樂不可支
視事八年匈奴不敢犯塞沽水又南陽重溝水注之
水出狐奴山南轉逕狐奴城西

案近刻
訛作南

王莽之所謂

舉符也側城南注右會沽水沽水又南濕餘水注之
沽水又南左會鮑丘水世所謂東潞也沽水又南逕

潞縣為潞河

案近刻訛作為潞名潞河也

魏土地記曰城西三十

里有潞河是也

案近刻脫是字

又東南至雍奴縣西為笥溝

案近刻脫為字

灤水入焉俗謂之合口也又東鮑丘水于縣西北而

東出

案近刻出下有焉字衍

又東南至泉州縣與清河合東入于海清河者派河尾也

沽河又東南逕泉州縣故城東王莽之泉調也沽水

又東南合清河今無水清淇漳洹滏易涑濡沽滹沱

同歸于海

案淇近刻
訛作湛

故經曰派河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之大

榆河又南逕鎮東南九十里西密雲戍西又南左合

道人溪水水出北川

案近刻
脫出字

南流逕孔山西又歷密

雲戍東左合孟廣峒水水出峒下峒甚層峻峨峨冠

衆山之表其水西逕孔山南上有洞穴開明故土俗

以孔山流稱峴水又西南至密雲戍東西注道人水

亂流西南逕密雲戍城南

案近刻脫西南二字

右會大榆河有

東密雲故是城言西矣大榆河又東南流白楊泉水

注之北發白楊溪望離右注大榆河

案望離與下自坎相對舉近刻

訛作望離

又東南龍芻溪水自坎注之

案坎近刻訛作決

大榆河

又東南出峽

案近刻脫出字

逕安州舊漁陽郡之滑鹽縣南

左合縣之北溪水水出縣北廣長塹南太和中掘此

以防北狄其水南流逕滑鹽縣故城東王莽更名匡

德也漢明帝改曰鹽田右承治世謂之斛鹽城西北

去禦夷鎮二百里南注鮑丘水又南逕僦奚縣故城

東

案奚近刻訛作溪

王莽更之曰敦德也鮑丘水又西南逕

獮平縣故城東王莽之所謂平獮也又南合三城水

水出曰里山

案曰近刻作四

西逕三城

案近刻作平獮城蓋後人所改

謂之

三城水又逕香陁山山上悉生橐本香世故名焉又

西逕石窟南窟內寬廣行者依焉窟內有水淵而不

流栖薄者取給焉又西北逕伏凌山南

案凌近刻訛作凌

與

石門水合水出伏凌山山高峻巖鄣寒深陰崖積雪凝冰夏結事同離騷峨峨之詠故世人因以名山也

一水西南流注之

案近刻脫一字

是水有桑谷之名蓋沿出

桑溪故也又西南逕獮平城東南而右注鮑丘水鮑丘水又東南逕漁陽縣故城南漁陽郡治也

案近刻脫縣故

城南漁陽六字

秦始皇二十二年置王莽更名通潞縣曰得

漁鮑丘水又西南流公孫瓚既害劉虞烏丸思劉氏之德迎其子和合衆十萬破瓚于是水之上斬首一

萬鮑丘水又西南歷狐奴城東又西南流注于沽河
亂流而南

又南過潞縣西

鮑丘水入潞通得潞河之稱矣

宋潞河近刻
訛作鮑丘

高粱水

注之水首受灤水于戾陵堰水北有梁山山有燕刺
王旦之陵故以戾陵名堰水自堰枝分東逕梁山南
又東北逕劉靖碑北其詞云魏使持節都督河北道
諸軍事征北將軍建城鄉侯沛國劉靖字文恭登梁

山以觀源流相瀑水以度形勢

案瀑近刻訛作傑脫水字

嘉武安

之通渠幾秦民之殷富

案幾近刻訛作美

乃使帳下丁鴻督

軍士千人

案督字近刻訛在丁鴻上

以嘉平二年立遏于水

案遏即竭

導高梁河造戾陵遏開車箱渠其遏表云高梁河水

者出自并州潞河之別源也

案近刻潞訛作黃也訛作時

長岸峻

固直截中流積石籠以為主遏高一丈東西長三十

丈南北廣七十餘步依北岸立水門門廣四丈立水

十丈山水暴發

案近刻訛作山川暴戾

則乘遏東下平流守常

則自門北入灌田歲二千頃凡所封地百餘萬畝至
景元三年辛酉詔書以民食轉廣陸廢不贍遣謁者
樊晨更制水門限田千頃刻地四千三百一十六頃
出給郡縣改定田五千九百三十頃水流乘車箱渠
自薊西北逕昌平東盡漁陽潞縣凡所潤含案近刻
作舍
四五百里所灌田萬有餘頃高下孔齊案近刻
訛作濟原隰
底平疏之斯溉決之斯散導渠口以為濤門灑瀉池
以為甘澤施加于當時敷被于後世晉元康四年君

少子驍騎將軍平鄉侯弘受命使持節監幽州諸軍事領護烏丸校尉寧朔將軍遏立積三十六載至五年夏六月洪水暴出毀損四分之三剝北岸七十餘丈上渠車箱所在漫溢追惟前立遏之勲親臨山川指授規略命司馬關內侯逢惲內外將士二千人起長岸立石渠脩主遏

案主近刻訛作立

治水門門廣四丈立

水五尺興復載利通塞之宜準遵舊制凡用功四萬有餘焉諸部王侯不召而自至繹負而事者蓋數千

人詩載經始勿亟易稱民忘其勞斯之謂乎于是二
府文武之士感秦國思鄭渠之績魏人置豹祀之義
乃遐慕仁政追述成功元康五年十月十一日刊石
立表以紀勲烈并記遏制度永為後式焉事見其碑
辭又東南流逕薊縣北案近刻
脫逕字又東至潞縣注于鮑
丘水又南逕潞縣故城西王莽之通潞亭也漢光武
遣吳漢耿弇等破銅馬五幡于潞東謂是縣也屈而
東南流逕潞城南世祖拜彭寵為漁陽太守治此寵

叛光武遣游擊將軍鄧隆伐之軍于是水之南光武
策其必敗果為寵所破遺壁故壘存焉鮑丘水又東
南入夏澤澤南紆曲渚十餘里北佩謙澤眇望無垠
也

案垠近刻
訛作限

又南至雍奴縣北屈東入于海

鮑丘水自雍奴縣故城西北舊分筍溝水東出今筍

溝水斷

案今近刻訛
作合脫水字

衆川東注混同一瀆東逕其縣

北又東與洵河合水出右北平無終縣西山白楊谷

西北流逕平谷縣屈西南流獨樂水入焉水出北抱
犢固南逕平谷縣故城東後漢建武元年光武遣十
二將追大槍五幡及平谷大破之于是縣也其水南
流入于洵洵水又左合盤山水水出山上其山峻險
人跡罕交去山三十許里望山上水可高二十餘里
素湍皓然頽波歷溪沿流而下自西北轉注于洵水
洵水又東南逕平谷縣故城東南與洳河會水出北
山山在僂奚縣故城東南東南流逕博陸故城北又

屈逕其城東世謂之平陸城非也漢武帝璽書封大
司馬霍光為侯國文穎曰博大陸平取其嘉名而無
其縣食邑北海河東薛瓚曰按漁陽有博陸城謂此
也今城在且居山之陽

案近刻訛作今
其居山之陽

處平陸之上

市帶川流面據四水文氏所謂無縣目

案近一
訛作有

嘉美

名也洳水又東南流逕平谷縣故城西而東南流注

于洵河

案洵河上近
刻衍渠字

洵河又南逕缺城東而南合五

百濟水水出七山北東逕平谷縣之缺城南東入于

洵河洵河又東南逕臨洵城北

案洵近刻訛作河

屈而歷其

城東側城南出竹書紀年梁惠成王十六年齊師及

燕戰于洵水齊師遁即是水也洵水又南入鮑丘水

鮑丘水又東合泉州渠口故瀆上承滹沱水于泉州

縣

案滹沱原本及近刻並訛作宰池考淇水注云清河至泉州縣北入滹沱又東泉州渠出焉即此今

改正故以泉州為名北逕泉州縣東又北逕雍奴縣東

西去雍奴故城百二十里自滹沱北入其下歷水澤

百八十里入鮑丘河謂之泉州口陳壽魏志曰曹太

祖以闕頓擾邊將征之

案將字上近刻衍公字

從洵口鑿渠逕

雍奴泉州以通河海者也今無水鮑丘水又東庚水

注之

案庚原本及近刻竝訛作庚下同考漢志右北平無終浸水西至雍奴入海倭靡漫水南至無

終東入庚類師古云浸音庚即下所云入庚者同一水也可證庚乃庚之訛今改正水出右北

平徐無縣北塞中而南流歷徐無山得黑牛谷水又

得沙谷水並西出山東流注庚水昔田子泰避難居

之

案子泰近刻訛作于泰

衆至五千家開山圖曰山出不灰之

木生火之石按注云其木色黑似炭而無葉有石赤

色如丹以二石相磨

案二近刻
批作一

則火發以然無灰之

水可以終身今則無之其水又逕徐無縣故城東王
莽之北順亭也魏土地記曰右北平城東北百一十
里有徐無城其水又西南與周盧溪水合水出徐無
山東南流注庚水庚水又西南流湟水注之水出右
北平俊靡縣王莽之俊麻也東南流

案近刻脫
此三字

世謂

之車輦水又東南流與溫泉水合水出北山溫溪

案近

刻脫
溫字

即溫源也養疾者不能漂其炎漂以其過灼故

也

案近刻魏土地記曰徐無城東有溫湯即此也其脫也字

魏土地記曰徐無城東有溫湯即此也其

水南流百步便伏流入于地下水盛則通注湓水又

東南逕石門峽山高嶄絕

案山下近刻行之字

壁立洞開俗謂

之石門口漢中平四年漁陽張純反殺右北平太守

劉政遼東太守陽紘中平五年詔中郎將孟益

案近刻詔

訛作典益訛作溢

率公孫瓚討純戰于石門大破之湓水又

東南流謂之北黃水又屈而為南黃水又西南逕無終山即帛仲理所合神丹處也又于是山作金五千

斤以救百姓山有陽翁伯玉田在縣西北有陽公壇
社即陽公之故居也搜神記曰雍伯洛陽人至性篤
孝父母終歿葬之于無終山山高八十里而上無水
雍伯置飲焉有人就飲與石一斗令種之玉生其田
北平徐氏有女雍伯求之要以白璧一雙媒者致命
伯至玉田求得五雙徐氏妻之遂即家焉陽氏譜叙
言翁伯是周景王之孫食采陽樊春秋之末爰宅無
終因陽樊而易氏焉愛人博施天祚玉田其碑文云

居于縣北六十里翁同之山後潞徙于西山之下陽
公又遷居焉而受玉田之賜情不好寶玉田自去今
猶謂之為玉田陽干寶曰于種石處四角作大石柱
各一丈中央一頃之地名曰玉田至今相傳云玉田
之揭起于此矣而今不知所在同于譜叙自去文矣

案于近刻訛作之又玉田自去見碑
文此言譜叙者或碑文即譜叙所引

藍水注之水出

北山東流屈而南

案近刻作東
屈而南流

逕無終縣故城東故

城無終子國也春秋襄公四年

案近刻訛
作十四年

無終子嘉

父使孟樂如晉因魏絳納虎豹之皮請和諸戎是也
故燕地矣秦始皇二十二年滅燕置右北平郡治此
王莽之所謂北順也漢世李廣為郡出遇伏石謂虎
也射之飲羽即此處矣魏土地記曰右北平城西北
百三十里有無終城其水又南入灋水灋水又西南
入于庚水地理志曰灋水出俊靡縣南至無終東入
庚水庚水世亦謂之為柘水也南逕燕山下

案近刻
訛作上

懸巖之側有石鼓去地百餘丈望若數百石固有石

梁貫之鼓之東南有石援桴狀同擊勢者舊言燕山
石鼓鳴則土有兵戾水又南逕北平城西而南入鮑
丘水謂之柘口鮑丘水又東逕右北平郡故城南魏
土地記曰薊城東北三百里有右北平城鮑丘水又
東巨梁水注之水出土垠縣北陳宮山西南流逕觀
雞山謂之觀雞水水東有觀雞寺寺內起大堂

案起近刻

訛作有

甚高廣可容千僧下悉結石為之上加塗墍基

內疎通枝經脈散基側室外四出爨火炎勢內流一

堂盡溫蓋以此土寒嚴霜氣肅猛出家沙門率皆貧
薄施主慮闕道業故崇斯構是以志道者多栖託焉
其水又西南流右合區落水水出縣北山東南流入

巨梁水巨梁水又南

案近刻訛作西

逕土垠縣故城西左會

寒渡水水出縣東北西南流至縣右注梁河梁河又
南澗于水注之水出東北山西南流逕土垠縣故城
東西南流入巨梁水巨梁水又東南右合五里水水
發北平城東北五里山故世以五里名溝一名田繼

泉西流南屈逕北平城東東南流注巨梁河亂流入

于鮑丘水

案此下近刻有巨梁二字衍

自是水之南南極滹沱

案近

刻脫一南字

西至泉州雍奴東極于海謂之雍奴數其澤

野有九十九淀枝流條分

案近刻訛作技流條右

往往逕通非

惟梁河鮑丘歸海者也

濡水從塞外來東南過遼西今支縣北

濡水出禦夷鎮東南其水二源雙引夾山西北流出

山合成一川

案濡水即今灤河源出巴延屯圖古爾山名都爾本諾爾西北至茂罕和碩三

道河始自東會之道元當時未經親履其地遂以夾山來會之三道河為灤河正源殊屬失實恭請

御製灤源考證訂覈審確實足正鄙氏之誤謹錄弁卷首並附識于此又西北逕禦夷故

城東鎮北百四十里北流左則連淵水注之

案左下近刻衍

道字淵訛作泉

水出故城東西北流逕故城南又西北逕綠

水池南池水淵而不流

案池近刻訛作其

其水又西屈而北

流又東逕故城北連結兩沼

案沼上近刻衍池字

謂之連淵浦

案淵近刻訛作泉

又東北注難河難河右則汙水入焉

案汙近刻

汙作

水出東塢南西北流逕沙野南北人名之曰沙野

案近刻脫野字

鎮東北二百三十里西北入難河濡難聲相

近狄俗語訛耳濡水又北逕沙野西又北逕箕安山

東屈而東北流逕沙野北東北流逕林山北

案後有木林山

水其地即唐之松陁疑林山及木林山皆松林山之訛

水北有池潭而不流濡

水又東北流逕孤山南東北流呂泉水注之水出呂

泉塢西東南流屈而東逕塢南東北流三泉水注之

其源三泉雁次合為一水鎮東北四百里東南注呂

泉水呂泉水又東逕孤山北又東北逆流水注之水

出東南導泉西流右屈而東北注木林山水會之水
出山南東注逆水亂流東北注濡河濡河又東盤泉
入焉水自西北東南流注濡河濡河又東南水流迴
曲謂之曲河鎮東北三百里又東出峽入安州界東
南流逕漁陽白檀縣故城地理志曰濡水出縣北蠻
中

案漢志白檀縣作漁水
師古曰漁音呼鷄反

漢景帝詔李廣曰將軍其

帥師東轅弭節白檀者也又東南流右與要水合水
出塞外三川竝導謂之大要水也東南流逕要陽縣

故城東本都尉治王莽更之曰要術矣要水又東南

流逕白檀縣而東南流入于濡

案白檀要陽在今密雲縣並非灤水所經

鄒氏此條舛誤殊甚

御製熱河考灤源考證特加辨正一破千古傳說謹附

訂于此濡水又東南索頭水注之水北出索頭川南流

案此八字近刻訛作水北流南四字逕廣陽僑郡西魏分右北平置今

安州治又南流注于濡濡水又東南流武列水入焉

其水三川派合西源右為溪水亦曰西藏水東南流

出溪與蟠泉水合泉發州東十五里東流九十里東

注西藏水西藏水又西南流東藏水注之水出東溪
一曰東藏水西南流出谷與中藏水合水導中溪南
流出谷南注東藏水故目其川曰三藏川水曰三藏
水東藏水又南右入西藏水

案西藏水即今之固都爾呼河先合中藏水即

今之茅濟河次合東藏水即今之賽音河鄴氏敘東藏水于中藏水之前以為東溪西溪合流而與西源會殊乖川流之次恭讀

御製熱河考訂正詳審道元之附會耳食顯然無疑謹錄弁卷首竝附識于此

亂流右會龍泉水水出東山下淵深不

測其水西南流注于三藏水三藏水又東南流與龍

芻水合西出于龍芻之溪

案西近刻訛作而

東流入三藏水

案近刻

又東南流逕武列溪

案近刻脫武字

謂之武列水東

脫三字

南歷石挺下挺在層巖之上

案近刻脫挺字在訛作左又此句之下衍有字

孤石雲舉臨崖危峻可高百餘仞牧守所經

案近刻作邊

命選練之士彎張弧矢

案近刻脫張字

無能屈其崇標者其

水東合流入濡濡水又東南五渡水注之水北出安

樂縣丁原山南流逕其縣故城西本三會城也其水

南入五渡塘于其川也流紆曲溯涉者頻濟故川塘

取名矣又南流注于濡濡水又與高石水合水東出
安樂縣東山西流歷三會城南西入五渡川下注濡
水濡水又東南逕盧龍塞塞道自無終縣東出渡濡
水向林蘭陁東至清陁

案清陁方輿紀要作青陁下同

盧龍之險峻

坂縈折故有九縉之名矣

案縉近刻作崢

燕景昭元璽二年

遣將軍步渾治盧龍塞道焚山刊石令通方軌刻石
嶺上以記事功其銘尚存而庾杲之注揚都賦言盧
龍山在平岡城北殊為孟浪遠失事實余按盧龍東

越清陁至凡城二百許里自凡城東北出趣平岡故城可百八十里向黃龍則五百里故陳壽魏志田疇引軍出盧龍塞塹山堙谷五百餘里逕白檀歷平岡登白狼望柳城平岡在盧龍東北遠矣而仲初言在南非也濡水又東南逕盧龍故城東漢建安十二年魏武征蹋頓所築也濡水又南黃洛水注之水北出盧龍山南流入于濡濡水又東南洛水合焉水出盧龍塞西南流注濡水濡水又屈而流

案近刻訛作又合屈而注左

得去潤水又合教水二水竝自盧龍西注濡水濡水

又東南流逕令支縣故城東王莽之令氏亭也秦始

皇二十二年分燕置遼西郡令支隸焉魏土地記曰

肥如城西十里有濡水南流逕孤竹城西右合玄水

世謂之小濡水

案世近刻訛作也

非也水出肥如縣東北玄

溪

案近刻脫縣字

西南流逕其縣東東屈南轉西迴逕肥如

縣故城南俗又謂之肥如水

案近刻脫之字又此句之下衍非也二字

故

城肥子國應劭曰晉滅肥肥子奔燕燕封于此故曰

肥如也漢高帝六年封蔡寅為侯國西南流右會盧

水水出縣東北沮溪南流謂之大沮水又南左合陽

樂水水出東北陽樂縣溪

案近刻脫溪字

地理風俗記曰陽

樂故燕地

案近刻訛作也

遼西郡治秦始皇二十二年置魏

土地記曰海陽城西南有陽樂城其水又西南入于

沮水謂之陽口沮水又西南小沮水注之水發冷溪

世謂之冷池又南得溫泉水口

案此下近刻衍注之二字

水出東

北溫溪自溪西南流入于小沮水小沮水又南流與

大沮水合而為盧水也桑欽說盧子之書言晉既滅肥遷其族于盧水盧水有二渠號小沮大沮合而入

于玄水

案水上近刻衍盧字

又南與溫水合水出肥如城北西

流注于玄水地理志曰盧水南入玄玄水又西南逕孤竹城北西入濡水故地理志曰玄水東入濡蓋自

東而注也地理志曰令支有孤竹城故孤竹國也

案故

字近刻訛在城字上

史記曰孤竹君之二子伯夷叔齊讓國于

此而餓死于首陽漢靈帝時遼西太守廉翻夢人謂

已曰余孤竹君之子伯夷之弟遼海漂吾棺槨聞君
仁善願見藏覆明日視之水上有浮棺吏嗤笑者皆
無疾而死于于是改葬之晉書地道志曰遼西人見遼
水有浮棺欲破之語曰我孤竹君也汝破我何為因
為立祠焉祠在山上城在山側肥如縣南十二里水
之會也

又東南過海陽縣西南入于海

濡水自孤竹城東南逕西鄉北

案西近刻
訛作主

瓠溝水注

之水出城東南東流注濡水濡水又逕故城南

案故近刻

訛作

分為二水北水枝出世謂之小濡水也東逕樂

安亭北東南入海濡水東南流逕樂安亭南東與新

河故瀆合瀆自雍奴縣承鮑丘水東出謂之鹽開口

魏太祖征蹋頓與洵口俱導也世謂之新河矣

案近刻脫

之陳壽魏志云以通海也

案近刻脫云字又海字上行河字

新河又

東北絕庚水

案近刻訛作庚水

又東北出逕右北平絕洵渠

之水又東北逕昌城縣故城北

案此下近刻衍故字

王莽之淑

武也新河又東分為二水

案近刻脫分字

枝瀆東南入海新

河自枝渠東出合封大水謂之交流口

案近刻訛作合

水出

新安平縣

案近刻脫安字下同

西南流逕新安平縣故城西地

理志遼西之屬縣也又東南流龍鮮水注之水出縣

西北世謂之馬頭水

案近刻訛作山

二源俱導南合一川東

流注封大水

案近刻脫封字

地理志曰龍鮮水東入封大水

者也亂流南會新河南注于海

案注近刻訛作流

地理志曰

封大水于海陽縣南入海新河又東出海陽縣與緩

虛水會

案虛近刻訛作靈下同

水出新平縣東北世謂之大龍

川

案近刻訛作山

東南流逕令支城西西南流與新河合南

流注于海

案近刻脫注字

地理志曰緩虛水與封大水皆南

入海新河又東與素河會謂之白水口水出令支縣

之藍山南合新河又東南入海新河又東至九過口

案過近

刻作過

枝分南注海新河又東逕海陽縣故城南漢

高祖六年封搖母餘為侯國魏土地記曰令支城南

六十里有海陽城者也新河又東與清水會水出海

陽縣東南流逕海陽城東又南合新河又南流十許

里西入九過注海新河東絕清水又東木究水出焉

南入海新河又東左逌為北陽孤淀

案北近刻
訛作孔

淀水

右絕新河

案近刻脫淀水二字
右上行名字

南注海新河又東會于

濡濡水又東南至案縣碣石山文穎曰碣石在遼西

案縣王莽之選武也案縣并屬臨渝王莽更臨渝為

馮德

案馮近刻
訛作惡

地理志曰大碣石山在右北平驪成

縣西南王莽改曰揭石也

案揭近
刻作碣

漢武帝亦嘗登之

以望巨海而勒其石于此今枕海有石如甬道數十里當山頂有大石如柱形往往而見立于巨海之中潮水大至則隱

案近刻脫此二字

及潮波退不動不沒不知

深淺世名之天橋柱也狀若人造要亦非人力所就韋昭亦指此以為碣石也三齊略記曰始皇于海中作石橋海神為之豎柱始皇求與相見神曰我形醜莫圖我形當與帝相見乃入海四十里見海神左右莫動手工人潛以腳畫其狀神怒曰帝負約速去始

皇轉馬還前腳猶立後腳隨崩僅得登岸畫者溺死
于海衆山之石皆傾注今猶岌岌東趣疑即是也濡
水于此南入海而不逕海陽縣西也蓋經誤證耳又
按管子齊桓公二十年征孤竹未至卑耳之溪十里
闕然止矐然視援弓將射

案援近刻
訛作授

引而未發謂左

右曰見前乎左右對曰不見公曰寡人見長尺而人
物具焉冠右祛衣走馬前豈有人若此乎管仲對曰

臣聞豈山之神有偷兒

案管子作登山
之神有偷兒

長尺人物具

霸王之君興則豈山之神見且走馬前走導也祛衣
示前有水右祛衣示從右方涉也至卑耳之溪有贊
水者從左方涉其深及冠右方涉其深至膝已涉大
濟桓公拜曰仲父之聖至此寡人之抵罪也久矣今
自孤竹南出則巨海矣而滄海之中山望多矣然卑
耳之川若贊溪者亦不知所在也昔在漢世海水波
裏吞食地廣當同碣石苞淪洪波也

大遼水出塞外衝白平山東南入塞過遼東襄平縣西

遼水亦言出砥石山

案砥近刻
訛作砭

自塞外東流直遼東

之望平縣西王莽之長說也屈而西南流逕襄平縣

故城西秦始皇二十二年滅燕置遼東郡治此漢高

帝八年封紀通為侯國王莽之昌平也故平州治又

南逕遼隊縣故城西

案近刻南訛作
東隊訛作送

王莽更名之曰

順睦也

案睦近刻
訛作睦

公孫淵遣將軍畢衍拒司馬懿于

遼隊即是處也

案此下近刻有遼水又南歷縣
有小遼水其流注之也十五字

又東南過房縣西

地理志房故遼東之屬縣也遼水右會白狼水水出

右北平白狼縣東南

案近刻此下有廣成縣三字係衍文

北流西北屈

逕廣成縣故城南王莽之平虜也俗謂之廣都城又

西北石城川水注之水出西南石城山東流逕石城

縣故城南地理志右北平有石城縣北屈逕白鹿山

西即白狼山也魏書國志曰遼西單于蹋頓尤強為

袁氏所厚故袁尚歸之數入為害公出盧龍塹山堙

谷五百餘里未至柳城二百里尚與蹋頓將數萬騎

逆戰公登白狼山望柳城卒與虜遇乘其不整縱兵
擊之虜衆大崩斬蹋頓胡漢降者二十萬口英雄記
曰曹操于是擊馬鞏于馬上作十片即于此也博物
志曰魏武于馬上逢獅子使格之殺傷甚衆王乃自
率常從健兒數百人擊之獅子吼呼奮越案吼近
刺作哮左
右咸驚王忽見一物從林中出如狸超上王車輓上
獅子將至此獸便跳上獅子頭上獅子即伏不敢起
于是遂殺之得獅子而還未至洛陽四十里洛中雞

狗皆無鳴吠者也

案洛中近刻訛作洛陽

其水又東北入廣成

縣東注白狼水白狼水北逕白狼縣故城東

案近刻脫故字

王莽更名伏狄白狼水又東方城川水注之水發源

西南山下

案源近刻訛作川

東流北屈逕一故城西

案近刻脫東字

世謂之雀目城東屈逕方城北東入白狼水白狼水

又東北逕昌黎縣故城西地理志曰交黎也東部都

尉治王莽之禽虜也應劭曰今昌黎也高平川水注

之水出西北平川東流逕倭城北蓋倭地人徙之

案近

刻訛作蓋委
也人從之

又東南逕乳樓城北蓋逕戎鄉邑兼夷

稱也

案近刻訛作之

又東南注白狼水白狼水又東北自魯

水注之水導西北遠山東南注白狼水白狼水又東

北逕龍山西燕慕容皝以柳城之北龍山之南福地

也使陽裕築龍城改柳城為龍城縣十二年黑龍白

龍見于龍山皝親觀龍去二百步祭以太牢二龍交

首嬉翔解角而去皝悦大赦號新宮曰和龍宮立龍

翔祠于山上白狼水又北逕黃龍城東十三州志曰

遼東屬國都尉治昌遼道有黃龍亭者也

案遼近刻訛作黎

魏營州刺史治魏土地記曰黃龍城西南有白狼河

東北流附城東北下即是也又東北濫真水出西北

塞外東南歷重山東南入白狼水白狼水又東北出

東流分為二水

案近刻脫分字

右水疑即渝水也地理志曰

渝水首受白狼水西南循山逕一故城西世以為河

連城

案近刻循訛作巡脫西字世字

疑是臨渝縣之故城王莽曰馮

德者矣

案近刻馮訛作憑

渝水南流東屈與一水會世名之

曰檣倫水蓋戎方之變名耳疑即地理志所謂侯水

北入渝者也十三州志曰侯水南入渝地理志蓋言

自北而南也

案蓋言近刻訛作言蓋

又西南流注于渝渝水又

東南逕一故城東俗曰女羅城又南逕營丘城西營

丘在齊而名之于遼燕之間者蓋燕齊遼迴僑分所

在其水東南入海地理志曰渝水自塞外南入海

案近

刻脫外字

一水東北出塞為白狼水又東南流至房縣注

于遼魏土地記曰白狼水下入遼也

又東過安市縣西南入于海

十三州志曰

案近刻脫曰字

大遼水自塞外

案近刻脫外字

西南至

安市入于海

又玄菟高句麗縣有遼山小遼水所出

縣故高句麗胡之國也

案胡近刻訛作相

漢武帝元封二年

平右渠置玄菟郡于此王莽之下句麗水出遼山西

南流逕遼陽縣與大梁水會水出北塞外西南流至

遼陽入小遼水

案近刻訛作西南流逕至遼水

故地理志曰大梁水

西南至遼陽入遼郡國志曰縣故屬遼東後入玄菟

其水西南流故謂之為梁水也小遼水又西南逕襄

平縣為淡淵晉永嘉三年涸小遼水又逕遼隊縣

案近

刻訛作逕

入大遼水

案遼近刻訛作梁

司馬宣王之平遼東

也斬公孫淵于斯水之上者也

西南至遼隊縣入于大遼水也

案此十二字近刻在前接小遼水所出下條後

人移改

湏水出樂浪鏤方縣東南過臨湏縣東入于海

案近刻過下行

字 于

許慎云涓水出鑊方東入海一曰出涓水縣十三州

志曰涓水縣在樂浪東北鑊方縣在郡東蓋出其縣

南逕鑊方也

案南近刻訛作而又此句之下原本空一字未謀埤引謝耳伯云宋本原缺十

二昔燕人衛滿自涓水西至朝鮮案西近刻訛作而朝鮮故

箕子國也箕子教民以義田織信厚約以八法而下

知禁遂成禮俗戰國時滿乃王之都王險城地方數
千里至其孫右渠漢武帝元封二年遣樓船將軍楊

僕左將軍荀彧討右渠破渠于湏水遂滅之若湏水
東流無渡湏之理其地今高句麗之國治余訪蕃使
言城在湏水之陽其水西流逕故樂浪朝鮮縣即樂
浪郡治漢武帝置而西北流故地理志曰湏水西至
增地縣入海又漢興以朝鮮為遠循遼東故塞至湏
水為界考之今古于事差謬蓋經誤證也

水經注卷十四

水經注卷十五

後魏 酈道元 撰

洛水 伊水 瀍水 澗水

洛水出京兆上洛縣謹舉山

地理志曰洛出冢嶺山山海經曰出上洛西山又曰

謹舉之山洛水出焉東與丹水合水出西北竹山東

南流注于洛洛水又東尸水注之

案此八字原本及近刻並說作經尸

近刻說作
戶下同

水北發尸山

案發上近刻行出字

南流入洛洛水又

東得乳水

案此七字原本及近刻並說作經

水北出良餘山南流注

于洛

案流近刻說作南

洛水又東會于龍餘之水

案此十字原本及近

刻並說作經

水出蠱尾之山

案蠱近刻說作蟲

東流入洛洛水又

東

案近刻脫一洛字

至陽虛山合玄扈之水山海經曰洛水

東北流注于玄扈之水

案近刻脫此十五字

是也又曰自鹿蹠

之山以至玄扈之山凡九山玄扈亦山名也而通與

謹舉為九山之次焉故山海經曰此二山者洛間也

是知玄扈之水出于玄扈之山蓋山水兼受其目矣

其水逕于陽虛之下山海經又曰

案又字近刻訛在曰字下

陽虛

之山臨于玄扈之水是為洛汭也河圖玉版曰倉頡

為帝南巡登陽虛之山臨于玄扈洛汭之水靈龜負

書丹甲青文以授之即于此水也洛水又東歷清池

山

案此句之下近刻有傍字

東合武里水水南出武里山東北流

注于洛洛水又東門水出焉

案此八字原本及近刻竝訛作經

爾雅

所謂洛別為波也洛水又東要水入焉水南出三要

山東北逕拒陽城西而東北流入于洛洛水又東與

獲水合水南出獲輿山

案輿近刻說作輿下同

俗謂之備水也

東北逕獲輿川世名之為郤川東北流注于洛洛水

又東逕熊耳山北禹貢所謂導洛自熊耳

案此十八字原本載

上十五字說作經下三字仍屬注文近刻載上九字說作經下九字仍屬注文博物志曰洛

出熊耳蓋開其源者是也

東北過盧氏縣南

洛水逕陂渠關北

案此七字原本及近刻並說作經又近刻陂作陽下同

陂渠

水南出鴈渠山

案南出近刻
訛作出南

即荀渠山也其水一源

兩分川流半解一水西北流屈而東北入于洛山海

經曰熊耳之山浮豪之水出焉西北流注于洛疑即

是水也荀渠蓋熊耳之殊稱若太行之歸山也故地

說曰熊耳之山地門也洛水出其間是亦總名矣其

一水東北逕鴈渠城西故闕城也其水東北流注于

洛洛水又東逕盧氏縣故城南

案此十一字原本
及近刻竝訛作經竹

書紀年晉出公十九年晉韓龍取盧氏城

案龍今竹
書紀年作

龐又近刻脫取盧二字

王莽之昌富也有盧氏川水注之水北

出盧氏山東南流逕盧氏城東東南流注于洛

案近刻脫

一東字南訛作而

洛水又東翼合三川

案翼上近刻衍龍字

竝出縣之

南山東北注洛開山圖曰盧氏山宜五穀可避水災

亦通謂之石城山山在宜陽山西南千名之山咸處

其內陵阜原隰

案近刻訛作險

易以度身者也又有葛蔓谷

水自南山流注洛水洛水又東逕高門城南即宋書所謂後軍外兵龐季明入盧氏進達高門木城者也

洛水東與高門水合

案此八字原本及近刻並說作經

水出北山東

南流合洛水枝津水上承洛水東北流逕石勒城北

又東逕高門城北東入高門水亂流南注洛洛水又

東松陽溪水注之

案陽近刻說作楊下同又此水出十字原本及近刻並說作經

松陽山北流注于洛洛水又東逕黃亭南又東合黃

亭溪水

案亭近刻作城

水出鷓鴣山山有二峰峻極于天高

崖雲舉亢石無階猿徒喪其捷巧巖族謝其輕工及其長霄冒嶺層霞冠峰方乃就辨優劣耳故有大小

鵜鷗之名矣溪水東南流歷亭下謂之黃亭溪水又

東南入于洛水洛水又東得荀公溪口

案溪近刻水訛作漢

出南山荀公澗

案近刻脫公字

即龐季明所入荀公谷者也

其水歷谷東北流注于洛水洛水又東逕檀山南其

山四絕孤峙山上有塢聚俗謂之檀山塢義熙中劉

公西入長安舟師所屆次于洛陽命參軍戴延之

案

近刻說作將

與府舍人虞道元即舟遡流窮覽洛川欲知

水軍可至之處延之屆此而返竟不達其源也洛水

又東庫谷水注之

案此九字原本及近刻並訛作經

水自宜陽山南

三川並發合為一溪東北流注于洛洛水又東得鵝

鵝水口水北發鵝鵝澗

案北發近刻訛作發北

東南流入于洛

洛水又逕僕谷亭北左合北水水出北山東南流注

于洛洛水又東侯谷水出南山北流入于洛洛水又

東逕龍驤城北龍驤將軍王鎮惡從劉公西入長安

陸行所由

案行近刻訛作經

故城得其名洛水又東左合宜

陽北山水水自北溪南流注洛洛水又東廣由澗水

注之水出南山由溪北流逕龍驤城東而北流入于洛洛水又東右得直谷水水出南山北逕屯城西北流注于洛水也

又東北過蠡城邑之南

城西有塢水

案近刻脫有字

出北四里山上原高二十五丈

故龜池縣治南對金門塢水南五里舊宜陽縣治也洛水右會金門溪水水南出金門山北逕金門塢西北流入于洛洛水又東合款水其水

案此二字近二刻作一有字

源並發兩川逕引謂之大款水也合而東南入于洛

洛水又東泰良谷水入焉

案良近刻
記作民

水南出金門山

開山圖曰山多重固在韓

案山下近
刻行出字

建武二年強弩

大將軍陳俊

案大近刻
記作偏

轉擊金門白馬皆破之即此

也而東北流注于洛洛水又東左合北溪南流入于
洛也

又東過陽市邑南又東北過于父邑之南

太陰谷水南出太陰溪北流注于洛洛水又東合白

馬溪水水出宜陽山澗有大石厥狀似馬故溪澗以

物色受名也溪水東北流注于洛

案東下近刻衍又字

洛水又

東有昌澗水注之水出西北宜陽山而東南流逕宜

陽故郡南舊陽市邑也故洛陽都典農治此後改為

郡其水又南注于洛洛水又東逕一合塢南城在川

北原上高二十丈南北東三箱天險峭絕惟築西面

即為固

案固上近刻有合字

一合之名起于是矣劉曜之將攻

河南也晉將軍魏該奔于此故于父邑也洛水又東

合杜陽澗水

案陽近刻記作楊下同

水出西北杜陽溪東南逕

一合塢東與槃谷水合亂流東南入洛洛水又東渠

谷水出宜陽縣南女几山

案此十五字原本及近刻裁上六字訛作經下九字

仍屬注文

東北流逕雲中塢左上迢遞層峻

案左近刻訛作在

流

煙半垂纓帶山阜故塢受其名渠谷水又東北入洛

水

案近刻脫渠谷二字

臧榮緒晉書稱孫登嘗經宜陽山作炭

人見之與語登不應作炭者覺其情神非常咸共傳

說大祖聞之使阮籍往觀與語亦不應籍因大嘯登

笑曰復作向聲又為嘯求與俱出登不肯藉因別去
登上峰行且嘯如簫韶笙簧之音聲振山谷籍怪而
問作炭人作炭人曰故是向人聲籍更求之不知所
止推問久之乃知姓名余按孫綽之敘高士傳言在
蘇門山又別作登傳孫盛魏春秋亦言在蘇門山又
不列姓名阮嗣宗感之著大人先生論言吾不知其
人既神遊自得不得與物交阮氏尚不能動其英操復
不識何人而能得其姓名

又東北過宜陽縣南

洛水之北有熊耳山雙巒競舉狀同熊耳此自別山
不與禹貢導洛自熊耳同也昔漢光武破赤眉樊崇
積甲仗與熊耳平即是山也山陰有池池水東南流
水側有一池世謂之澠池矣又東南逕宜陽縣故城
西謂之西度水又東南流入于洛洛水又東逕宜陽
縣故城南

案此十一字原本及近刻並記作經

秦武王以甘茂為左丞

相曰寡人欲通三川窺周室死不朽矣茂請約魏以

攻韓斬首六萬遂拔宜陽城故韓地也後乃縣之漢

哀帝封息夫躬為侯國城之西門赤眉樊崇與盆子

及大將等奉璽綬劔璧處世祖不即見明日陳兵于

洛水見盆子等謂盆子丞相徐宣曰不悔乎宣曰不

悔上歎曰卿庸中鐵鐵中錚錚也洛水又東與厭

染之水合

集染近刻
訛作染

水出縣北傅山大陂山無草木

其水自陂北流屈而東南注世謂之五延水又東南

流逕宜陽縣故城東東南流注于洛洛水又東南黃

中澗水出北阜二源竒發總成一川東流注于洛洛

水又東祿泉水注之

案近刻脫水字

其水北出近溪

案近刻訛作近

出北洛水又東共水入焉水北出長石之山山無草

木其西有谷焉厥名共谷共水出焉南流得尹溪口

水出西北尹谷東南注之共水又西南與左澗水會

案共水又西南與近刻訛作其水右與西南

水東出近川西流注于共水

共水又南與李谷水合水出西北李溪東南注蓁水

蓁水發源蓁谷西南流與李谷水合而西南流入共

水共水世謂之石頭泉

案近刻脫之字

而南流注于洛洛水

又東黑澗水南出陸渾西山歷于黑澗西北入洛洛

水又東臨亭川水注之水出西北近溪東南與長澗

水會

案與下近刻行湖字

水出北山南入臨亭水又東南歷九

曲西而南入洛水也

又東北出散關南

洛水東逕九曲南其地十里有坂九曲穆天子傳所謂天子西征升于九阿此是也洛水又東與豪水會

水出新安縣密山南流歷九曲東而南流入于洛洛
水之側有石墨山山石盡黑可以書疏故以石墨名
山矣洛水又東枝瀆左出焉

案北九字原本及近刻竝訛作經

東出

關絕惠水又逕清女冢南冢在北山上耆舊傳云斯

女清貞秀古跡表來今矣枝瀆又東

案枝近刻訛作故下同

逕

周山上有周靈王冢皇覽曰周靈王葬于河南城西

南周山上蓋以王生而神故謚曰靈其冢人祠之不

絕又東北逕柏亭南皇覽曰周山在柏亭西北

案北近刻

訛作

謂斯亭也又東北逕三王陵東北出

墓此下近剡衍馬字

三王或言周景王悼王定王也魏司徒公崔浩注西
征賦云定當為敬子朝作難西周政弱人荒悼敬二
王與景王俱葬于此故世以三王名陵帝王世紀曰
景王葬于翟泉今洛陽太倉中大家是也而復傳言
在此所未詳矣又悼敬二王稽諸史傳復無葬處今
陵東有石碑錄報王以上世王名號考之碑記周墓
明矣枝瀆東北歷制鄉逕河南縣王城西歷邾鄉陌

杜預釋地曰縣西有邾鄒陌謂此也枝瀆又北入穀
蓋經始周啓瀆久廢不脩矣洛水自枝瀆又東出關
惠水右注之世謂之八關水戴延之西征記謂之八
關澤即經所謂散關郭自南山橫洛水北屬于河皆
關塞也即楊僕家僮所築矣惠水出白石山之陽東
南流與瞻水合水東出婁涿之山而南流入惠水惠
水又東南謝水北出瞻諸之山東南流又有交觸之
水北出廐山南流俱合惠水惠水又南流逕關城北

案城北近刻

二十里者也

案北有脫誤

其城西阻塞垣東

枕惠水

案枕近刻

靈帝中平元年以河南尹何進為

大將軍率五營士屯都亭

案近刻

置函谷廣城伊闕

大谷輾轅旋門小平津孟津等八關

案函谷下近刻

作闕復脫小字

都尉官治此函谷為之首在八關之限故世

人總其統目有八關之名矣其水又南流入于洛水

山海經曰白石之山惠水出其陽而南流注于洛謂

是水也洛水又與毓水會水出扶櫛之山

案扶櫛近刻

洛北流注于洛水之南

案之近則鹿蹏之山也世謂

刻作其

之非山

案此下近刻衍也字

其山陰則峻絕百仞陽則原阜隆

平甘水發于東麓北流注于洛水也

又東北過河南縣南

周書稱周公將致政乃作大邑成周于中土南繫于

洛水北因于邠山以為天下之大湊孝經援神契曰

八方之廣周洛為中謂之洛邑竹書紀年晉定公二

十年洛絕于周魏襄王九年洛入成周山水大出南

有甘洛城郡國志所謂甘城也

集志下近地記曰洛

刺行曰字

水東北過五陵陪尾北與澗瀍合是二水東入千金

渠故瀆存焉

又東過洛陽縣南伊水從西來注之

洛陽周公所營洛邑也故洛誥曰我卜瀍水東亦惟

洛食其城方七百二十丈南繫于洛水北因于郟山

以為天下之漑方六百里因西八百里

集近刻脫此三字

為

千里春秋昭公三十二年

集近刻訛作

晉合諸侯大

二十三年

夫成成周之城故亦曰成周也司馬遷自序云

案近刻脫

司馬二字

太史公留滯周南摯仲治曰古之周南今之洛

陽漢高祖始欲都之感婁敬之言不日而駕行矣屬

光武中興宸居洛邑逮于魏晉咸兩宅焉故魏略曰

漢火行忌水故去其水而加佳魏為土德土水之牡

也水得土而流土得水而柔除佳加水長沙耆舊傳

云祝良字召卿

案召近刻記作石

為洛陽令歲時亢旱天子

祈雨不得良乃曝身階庭告誡引罪自晨至中

案近刻作

午紫雲水起

案近刻
作沓起

甘雨登降人為歌曰天久不雨

烝人失所天王自出祝令特苦精符感應滂沱下雨

則縣司及河南尹治司隸周官也漢武帝使領徒隸

董督京畿後因名司州焉

案近刻
脫後字

地記曰洛水東入

于中提山間東流會于伊是也昔黃帝之時天大霧

三日帝遊洛水之上見大魚殺五牲以醺之天乃甚

雨七日七夜魚流始得圖書今河圖視萌篇是也昔

王子晉好吹鳳笙招延道士與浮丘同遊伊洛之浦

案與字近刻
記在道字上

舍始又受玉雞之瑞于此水亦洛神宓

妃之所在也洛水又東合水南出半石之山北逕合
水塢而東北流注于公路澗但世俗音譌號之曰先
祿澗非也上有袁術固四周絕澗迢遞百仞廣四五
里有一水淵而不流故溪澗即其名也合水北與劉
水合水出半石東山西北流逕劉聚

案逕近刻
記作于

三面

臨澗在緱氏西南周畿內劉子國故謂之劉澗其水
西北流注于合水合水又北流注于洛水也

又東過偃師縣南

洛水東逕計素渚中朝時百國貢計所頻故渚得其

名又直偃師故縣南

案直近刻訛作東

與緱氏分水又東休

水自南注之其水導源少室山西流逕穴山南而北

與少室山水合水出少室北溪西南流注休水休水

又左會南溪水水發大穴南山北流入休水休水又

西南北屈潛流地下其故漬北屈出峽謂之大穴口

北歷覆釜堆東益以物象受名矣又東屈零星塢水

流潛通重源又發側緱氏原開山圖謂之緱氏山也

亦云仙者升焉言王子晉控鵲斯阜

案鵲近刻作鵲

靈王望

而不得近舉手謝而去其家得遺屐俗亦謂之為撫

父堆堆上有子晉祠或言在九山非此世代已遠

案此

下近刻有矣字

莫能辨之劉向列仙傳云世有簫管之聲焉

休水又逕延壽城南緱氏縣治故滑費春秋滑國所

都也王莽更名中亭即緱氏城也城有仙人祠謂之

仙人觀休水又西轉北屈逕其城西水之西南有司

空密陵元侯鄭袤廟碑

案元近刻記作先脫袤字

文缺不可復識

又有晉城門校尉昌原恭侯鄭仲林碑晉泰始六年

立

案泰近刻訛作皇

休水又北流注于洛水洛水又東逕百

谷塢北戴延之西征記曰塢在川南因高為塢高十

餘丈劉武王西入長安舟師所保也

案保近刻訛作堡

洛水

又北陽渠水注之

案此九字原本及近刻並訛作經

竹書紀年晉襄

公六年洛絕于洶即此處也洛水又北逕偃師城東

東北歷鄆中水南謂之南鄆

案此下近刻有中水之南鄆五字係衍文亦

曰上邽也還營城西司馬彪所謂營聚也而邽水注之水出北山邽溪其水南流世謂之溫泉水水側有

僵人穴

案僵近刻訛作重

穴中有僵尸戴延之從劉武王西

征記曰有此尸尸今猶在夫物無不化之理魄無不

遷之道

案魄近刻作魂

而此尸無神識事同木偶之狀喻其

推移未若正形之速遷矣邽水又東南于營城西北東入洛水故京相璠曰今鞏洛渡北有邽谷水東入洛謂之下邽故有上邽下邽之名亦謂之北邽于是

有南郡北郡之稱矣又有郢城蓋周大夫郢肸之舊

邑

案肸近刻說作聆下同

洛水又東逕訾城北又東羅水注之

案此十四字原本及近刻並說作經

水出方山羅川西北流蒲池水注

之水南出蒲陂

案近刻脫水字說作出南蒲陂

西北流合羅水謂之

長羅川

案近刻說作長川羅

亦曰羅中也蓋肸子郢羅之宿居

故川得其名耳羅水又西北白馬溪水注之水出嵩

山北麓逕白馬塢東而北入羅水西北流白桐澗水

注之

案桐近刻說作相下同

水出嵩麓桐溪北流逕九山東又

北九山溪水入焉

集山下近水出百稱山東谷其山刻行東字

水出百稱山東谷其山

孤峰秀出嵯峨分立仲長統曰昔密有卜成者

集卜成近

刻記作十城

身遊九山之上放心不拘之境謂是山也山

際有九山廟廟前有碑云九顯靈府君者太華之元

子陽九列名號曰九山府君也南據嵩岳北帶洛澗

晉元康二年九月太歲在戊

集此有脫誤近刻作太歲庚午考元康二年乃

也士子帝遣殿中中郎將關內侯樊廣縱氏令王與主

簿傳演

集近刻脫主簿二字傳說作傳

奉宣詔命興立廟殿焉又有

百蟲將軍顯靈碑碑云將軍姓伊氏諱益字隤數帝

高陽之第二子伯益者也晉元康五年七月七日順
人吳義等建立堂廟永平元年二月二十日刻石立
頌贊示後賢矣其水東北流入白桐澗又北逕袁公
塢東蓋公路始固有此也故有袁公之名矣北流注
于羅水羅水又西北逕袁公塢北又西北逕潘岳父
子墓前有碑岳父茆瑯琊太守碑石破落文字缺敗
岳碑題云給事黃門侍郎潘君之碑碑云君遇孫秀

之難闔門受禍故門生感覆醢以增慟乃樹碑以記
事太常潘尼之辭也羅水又于訾城東北入于洛水
也

又東北過鞏縣東又北入于河

洛水又東明樂泉水注之水出南原下三泉竝導故
世謂之五道泉即古明溪泉也春秋昭公二十二年
師次于明溪者也洛水又東逕鞏縣故城南東周所
居也本周之畿內鞏伯國也春秋左傳所謂尹文父

涉于鞏即于此也洛水又東濁水注之即古黃水也

秦黃近刻
訛作潼

水出南原京相璠曰訾城北三里有黃亭

即此亭也春秋所謂次于黃者也洛水又東北河水

發南溪石泉

秦河近刻訛
作洞下同

世亦名之為石泉水也京

相璠曰鞏東地名坎欲在河水東疑即此水也又逕

盤谷塢東世又名之曰盤谷水

秦盤近刻
訛作鹽

司馬彪郡

國志鞏有坎欲聚春秋僖公二十四年王出及坎欲
服虔亦以為鞏東邑名也今考厥文若狀馬而不能

精辨耳晉太康地記晉書地道記竝言在鞏西非也

其水又北入洛洛水又東北流入于河

案此九字原本及近刻竝

說作經

山海經曰洛水成臯西入河是也謂之洛汭即

什谷也故張儀說秦曰下兵三川塞什谷之口謂此

川也史記音義曰鞏縣有郛谷水者也黃帝東巡河

過洛脩壇沈璧受龍圖于河龜書于洛赤文綠字

案綠

近刻說作篆

堯帝又脩壇河洛擇良即沈

案近刻脩說作循即作議

榮

先出河休氣四塞白雲起迴風逝赤文綠色廣袤九

尺員理平上有列星之分七政之度

案七近刻記作什

帝王

錄記興亡之數以授之堯

案近刻脫堯字

又東沈書于日稷

赤光起玄龜負書背甲赤文成字遂禪于舜舜又習

堯禮

案禮近刻作祀

沈書于日稷赤光起玄龜負書至于稷

下榮光休至黃龍卷甲舒圖壇畔赤文綠錯以授舜

舜以禪禹殷湯東觀于洛習禮堯壇降璧三沈榮光

不起黃魚雙躍出濟于壇黑鳥以浴隨魚亦上化為

黑玉赤勒之書黑龜赤文之題也湯以伐桀故春秋

說題辭曰河以道坤出天苞洛以流川吐地符王者
沈禮馬竹書紀年曰洛伯用與河伯馮夷鬪蓋洛水
之神也昔夏太康失政為羿所逐其昆弟五人須于
洛汭作五子之歌于是地矣

伊水出南陽魯陽縣西蔓渠山

案近刻脫魯陽二字

山海經曰蔓渠之山伊水出焉淮南子曰伊水出上
魏山地理志曰出熊耳山即麓大同陵巒互別耳伊
水自熊耳東北逕鸞川亭北茲水出茲山北流際其

城東而北入伊水世人謂伊水為鸞水茲水為交水
故名斯川為鸞川也又東為淵潭潭渾若沸亦不測
其深淺也伊水又東北逕東亭城南又屈逕其亭東
東北流者也

東北過郭落山

陽水出陽山陽溪世人謂之太陽谷水亦取名焉東
流入伊水伊水又東北鮮水入焉水出鮮山北流注
于伊伊水又與蠻水合水出盧氏縣之蠻谷東流入

于伊

又東北過陸渾縣南

山海經曰瀟瀟之水出于釐山南流注于伊水今水出陸渾縣之西南王母澗澗北山上有王母祠故世因以名溪東流注于伊水即瀟瀟之水也伊水歷崖口山峽也翼崖深高壁立若闕崖上有塢伊水逕其下歷峽北流即古三塗山也杜預釋地曰山在縣南闕駟十三州志云山在東南今是山在陸渾故城東

南八十許里周書武王問太公曰吾將因有夏之居

南望過于三塗北瞻望于有河

案近刻脫此二十二字

春秋昭

公四年司馬侯曰四嶽三塗陽城太室荆山中南九

州之險也服虔曰三塗大行轅轅峭澗

案近刻作龜

非南

望也京相璠著春秋土地名

案近刻脫土字

亦云山名也以

服氏之說

案近刻作服氏之言云

塗道也準周書南望之文或

言宜為轅轅大谷伊闕

案近刻或說作服谷說作道

皆為非也春

秋晉伐陸渾請有事于三塗知是山明矣有七谷水

注之水西出女几山之南七溪山

案几宋本作机
近刻訛作桃上

有西王母祠東南流注于伊水又北蜚谷水注之水
出女几山之東谷東逕故亭南東流入于伊水伊水
又東北逕伏流嶺東嶺上有崑崙祠民猶祈焉劉澄
之永初記稱陸渾縣西有伏流坂者也今山在縣南
崖口北三十里許西則非也北與溫泉水合水出新
城縣之狼臯山西南阜下

案狼臯山山西近刻
作狼臯山之西

西南流

會于伊水伊水又東北逕伏睹嶺左納焦澗水水西

出鹿麝山

案麝近刻
記作麝

東流逕孤山南

案近刻
脫逕字

其山介

立豐上單秀孤峙故世謂之方山即劉中書澄之所

謂縣有孤山者也東歷伏睹嶺南東流注于伊伊水

又東北涓水注之水出陸渾西山即陸渾都也

案陸渾下

近刻衍出字
都訛作者

尋郭文之故居訪胡昭之遺像世去不

傳莫識所在其水有二源俱導而東注號略在陸渾

縣西九十里也司馬彪郡國志曰縣西號略地

案近刻訛

作春秋所謂東盡號略者也北水東流合侯澗水水

出西北侯溪

集水近
刺作澗

東南流注于渭水渭水又東逕

陸渾縣故城北平王東遷卒有適伊川見有被髮而

祭于野者曰不及百年此其戎乎魯僖公二十二年

秦晉遷陸渾之戎于伊川

集秦近
刺作春

故縣氏之也渭

水東南流左合南水水出西山七谷亦謂之七谷水

阻澗東逝

集阻
刺作祖

歷其縣南又東南左會北水亂流

左合禪渚水

集水近
刺作渚

水上承陸渾縣東禪渚渚在

原上

集在近
刺作左

陂方十里佳饒魚葦即山海經所謂

南望禪渚禹父之所化郭景純注云禪一音暖

案一宇近

刺記在禪字上

鯀化羽淵而復在此然已變怪亦無往而不

化矣世謂此澤為慎望陂陂水南流注于涓水

案近刺記

作涓陽水下同

涓水又東南注于伊水昔有莘氏女采桑于

伊川得嬰兒于空桑中言其母孕于伊水之濱夢神

告之曰白水出而東走毋明視而見白水出焉告其

鄰居而走顧望其邑咸為水矣其母化為空桑子在

其中矣莘女取而獻之命養于庖長而有賢德

案長而近

割說作殷
而長 殷以為尹曰伊尹也

又東北過新城縣南

馬懷橋長水出新城西山東逕晉使持節征南將軍

宗均碑南

集宗近刻說作宋

均字文平縣人也其碑太始三

年十二月立其水又東流入于伊又有明水出梁縣

西狼臯山

集近刻作狼臯山

俗謂之石澗水也西北流逕楊

亮壘南西北合康水水亦出狼臯山東北流逕范塢

北與明水合

集近刻此下新北汶二字

又西南流入于伊山海經

曰故臯之山明水出焉南流注于伊水是也伊水又

與大戟水會水出梁縣西有二源北水出廣成澤西

南逕楊志塢北與南水合水源南出廣城澤西流逕

陸渾縣南

案近刻訛作
西流陸渾

河南十二縣境薄曰

案近刻
脫境字

廣城澤在新城縣界黃阜西北流屈而東逕楊志塢

南

案近刻
脫志字

又北屈逕其塢東又逕塢北同注老倒澗

俗謂之老倒澗水西流入于伊伊水又北逕新城東

與吳澗水會水出縣之西山東流南屈逕其縣故城

西又東轉逕其縣南故蠻子國也縣有郢聚今名蠻

中是也漢惠帝四年置縣其水又東北流注于伊水

伊水又北逕當階城西

案近刻說作又逕西北當階城西

大狂水入

焉水東出陽城縣之大嵒山

案近刻說作大苦口

山海經曰大

嵒之山多瑋琇之玉其陽狂水出焉西南流其中多

三足龜人食之者無大疾可以已腫狂水又西逕綸

氏縣故城南竹書紀年曰楚吾得帥師及秦伐鄭圍

綸氏者也左與倚薄山水合水北出倚薄之山南逕

黃城西又南逕綸氏縣故城東

案近刻脫縣字

而南流注于

狂水狂水又西八風溪水注之水北出八風山南流

逕綸氏縣故城西

案近刻脫縣改二字

西南流入于狂水狂水

又西得三交水口水有三源

案三近刻脫作二

各導一溪竝

出山南流合舍

案此四字近刻脫作南合流三字

故世有三交之名

也石上葛蒲一寸九節為藥最妙服久化僊

案近刻脫此十

六其水西南流注于狂水狂水又西逕岳高山北西

南與湮水合水出東北湮谷西南流逕武林亭東北

又屈逕其亭南其水又西南逕湮陽亭東蓋藉水以
名亭也又東南流入于狂狂水又西逕湮陽城南又
西逕當階城南而西流注于伊伊水又北土溝水出

玄望山西

案山西近刻
訛作西山

東逕玄望山南又東逕新城

縣故城北東流注于伊水伊水又北板橋水入焉水
出西山東流入于伊水伊水又北會厭澗水水出西
山東流逕邠垂亭南春秋左傳文公十七年秋周甘
駘敗戎于邠垂者也服虔曰邠垂在高都南杜預釋

地曰河南新城縣北有郛垂亭司馬彪郡國志曰新城有高都城今亭在城南七里遺基存焉

案近刻作猶在京

相璠曰舊說言郛垂在高都南今上黨有高都縣余謂京論疎遠未足以證無如虔說之指密矣

案如虔近刻訛

作知其水又東注于伊水伊水又北逕高都城東徐

羣

廣史記音義曰今河南新城縣有高都城竹書紀年梁惠成王十七年東周與鄭高都利者也又來儒之水

案儒近刻作需

出于半石之山西南流逕斌輪城北西歷

艾澗以其水西流

案水字近刻
說在以其上

又謂之小狂水也其

水又西南逕大石嶺南開山圖所謂大石山也山下
有大石嶺碑河南隱士通明以漢靈帝中平六年八
月戊辰于山堂立碑文字淺鄙殆不可尋魏文帝獵
于此山虎超乘輿孫禮拔劍投虎于是山山在洛陽
南而劉澄之言在洛東北非也山阿有魏明帝高平
陵王隱晉書曰惠帝使校尉陳總仲元詣洛陽山請
雨總盡除小祀惟存大石而祈之七日大雨即是山

也來儒之水又西南逕赤眉城南又西至高都城東
西入伊水謂之曲水也

又東北過伊闕中

伊水逕前亭西左傳昭公二十二年

案近刻訛作三十二年

晉

箕遺樂徵右行詭濟師取前城者也

案說近刻訛作

京相

璠曰今洛陽西南五十里伊闕外前亭矣服虔曰前

讀為泉周地也伊水又北入伊闕昔大禹疏以通水
兩山相對望之若闕伊水歷其間北流故謂之伊闕

矣春秋之闕塞也

案近刻作焉

昭公二十六年趙鞅使女

寬守闕塞是也陸機云洛有四闕斯其一焉東巖西

嶺竝鐫石開軒高甍架峰西側靈巖下泉流東注入

于伊水傅毅反都賦曰因龍門以暢化開伊闕以達

聰也闕左壁有石銘云黃初四年六月二十四日辛

巳大出水舉高四丈五尺齊此已下蓋記水之漲減

也

案減近刻說作減

右壁又有石銘云

案右近刻說作石

元康五年

案元康近刻說作永康

河南府君循大禹之軌部督郵辛曜新

城令王琨部監作掾董猗李褒斬岸開石平通伊闕
石文尚存也

又東北至洛陽縣南北入于洛

伊水自關東北流枝津右出焉

案近刻枝
訛作之

東北引溉

東會合水同注公路澗入于洛今無水戰國策曰東
周欲為田西周不下水蘇子見西周君曰今不下水
所以富東周也民皆種他種欲貧之

案貧近刻
訛作食

不如

下水以病之東周必復種稻種稻而復奪之是東周

受命于君矣

集近刻脫命字

西周遂下水即是水之故渠也

伊水又東北枝渠左出焉水積成湖北流注于洛今

無水

案近刻說作合伊水

伊水又東北至洛陽縣南逕園丘東

大魏郊天之所準漢故事建之後漢書郊祀志曰

集近

刻脫後字

建武二年初制郊兆于洛陽城南七里為圓壇

八陛中又為重壇天地位其上皆南向其外壇上為

五帝位其外為壇重營皆紫以像紫宮按禮天子大

裘而冕祭皐天上帝于此今衮冕也壇壇無復紫矣

伊水又東北流注于洛水廣志曰鯢魚聲如小兒唬

案近刻有脫唬字

有四足形如鯢鱧

案近刻有脫鯢字

可以治牛出伊水

也司馬遷謂之人魚故其著史記曰始皇帝之葬也以人魚膏為燭徐廣曰人魚似鮎而四足即鯢魚也
瀘水出河南穀城縣北山

縣北有替亭

案替近刻說作潛

瀘水出其北梓澤中梓澤地

名也澤北對原阜即裴氏墓塋所在碑闕存焉其水歷澤東南流水西有一原其上平敞古替亭之處也

集賢近刻
訛作舊 即潘安仁西征賦所謂越街郵者也

東與千金渠合

周書曰我卜瀍水西謂斯水也東南流水西南有帛仲理墓墓前有碑題云真人帛君之表仲理名護益州巴郡人晉永寧二年十一月立瀍水又東南流注于穀穀水自千金竭東注謂之千金渠也

又東過洛陽縣南又東過偃師縣又東入于洛澗水出新安縣南白石山

山海經曰白石之山惠水出于其陽東南注于洛澗

水出于其陰北流注于穀世謂是山曰廣陽山水曰

赤岸水亦曰石子澗地理志曰澗水在新安縣東南

入洛

案近刻在作出
南下行東字

是為密矣東北流歷函谷東坂

東謂之八特坂

案後穀水注內摯仲治三輔決錄至
我卜澗水東者是也原本及近刻竝

說在此下又其上引山海經之文裁取山海
經曰北流注于穀九字重出于此今訂正

東南入于洛

孔安國曰澗水出澠池山今新安縣西北有一水北

出澠池界東南流逕新安縣而東南流入于穀水安
國所言當斯水也然穀水出澠池下合澗水得其通
稱或亦指之為澗水也竝未之詳耳

案近刻訛作詳之耳

今孝

水東十里有水世謂之慈澗又謂之澗水按山海經
則少水也而非澗水蓋習俗之誤耳又按河南有離

山水謂之為澗水水西北出離山東南流

案此下近刻有注于

離山澗水也又東南流共一字係上下文訛舛致衍

歷郟山于穀城東而南

流注于穀舊與穀水亂流

案此下近刻衍流同二字

南入于洛今

穀水東入千金渠澗水與之俱東入洛矣或以是水

竝為周公之所相卜也呂忱曰今河南死水

案穀水注云南

出為死穀北出為澗溝

疑其是此水也

案是下近刻衍即字

然意所未詳

故竝書存之耳

水經注卷十五

總校官庶吉士
金壽同
對官庶吉士

總校官庶吉士臣張能照

校對官庶吉士臣嚴福

校對官庶吉士臣徐如澍

膳錄監生臣朱溥

膳錄貢生臣周志禮

欽定四庫全書薈要

史部

水經注卷十六
七

詳校官編修臣
繆晉



水經注卷十六

後魏 酈道元 撰



穀水

甘水

漆水

澹水

沮水

穀水出弘農黽池縣南墻塚林穀陽谷

山海經曰傅山之西有林焉曰墻塚穀水出焉東流注于洛其中多珉玉今穀水出千嶠東馬頭山穀陽

谷

案千近刻
訛作于

東北流歷黿池川本中鄉地也漢景帝

中二年

案近刻脫中
字二訛作三

初城徙萬戶為縣

案近刻脫
城字縣字

因

靖黿之池以目縣馬亦或謂之彭池故徐廣史記音

義曰黿或作彭穀水出處也

案近刻
脫出字

穀水又東逕秦

趙二城南司馬彪續漢書曰赤眉從黿池自利陽南

欲赴宜陽者也世謂之俱利城耆彥曰

案彥近刻
訛作嘖昔

秦趙之會各據一城秦王使趙王鼓瑟蘭相如令秦
王擊缶處也馮異又破赤眉于是川矣故光武璽書

曰始雖垂翅回溪終能奮翼鼃池可謂失之東隅

案近

刻作陽

收之桑榆矣穀水又東逕土嶠北所謂三嶠也

案三近刻作二

穀水又東左會北溪溪水北出鼃池山東南

流注于穀

案南近刻紀作西

疑即孔安國所謂澗水也穀水

又東逕新安縣故城南北夾流而西接嶠鼃昔項羽

西入秦坑降卒二十萬于此國滅身亡宜矣穀水又

東逕千秋亭南其亭累石為垣世謂之千秋城也

案近

刻脫千秋二字

潘岳西征賦曰亭有千秋之號子無七旬之

期謂是亭也又東逕雍谷溪回岫縈紆石路阻峽故

亦有峽石之稱矣穀水歷側

案穀近剡
訛作晉

左與北川水

合水有二源竝導北山東南流合成一水自乾注巽

入于穀穀水又東逕缺門山山阜之不接者里餘故

得是名矣二壁爭高斗聳相亂西瞻雙阜右望如砥

穀水自門而東

案門上近
剡行缺字

廣陽川水注之水出廣陽

北山東南流注于穀南望微山雲峰相亂穀水又逕

白起壘南

案朱謀埜云當作白起考元和志白起壘
一名白起塢漢末黃巾賊起白起築此壘

以自固來氏說非也戴延之西征記云次至白超壘去函谷十

五里築壘當大道左右有山夾立案近刻訛作失至相去百

餘步從中出北乃故關城非所謂白超壘也是壘在

缺門東十五里壘側舊有塢故治官所在案治官近刻訛作治

官魏晉之日引穀水為水冶案近刻訛作治以經國用遺跡

尚存案近刻訛作有穀水又東石默溪水出微山東麓石默

溪東北流入于穀穀水又東宋水北流注于穀穀水

又東逕魏將作大匠毋丘興墓南案興下近刻衍盛字下同二碑

存焉儉父也管輅別傳曰輅嘗隨軍西征過其墓而
歎謂士友曰玄武藏頭青龍無足白虎銜尸朱雀悲
哭四危已備法應滅族果如其言殺水又東逕函谷
關南東北流阜澗水注之水出新安縣東南流逕母
丘興墓東又南逕函谷關西關高險陘

案近刻
記作峽

路出

塵郭漢元鼎三年樓船將軍楊僕數有大功恥居關
外請以家僮七百人築塞徙關于新安即此處也昔
郭丹西入關感慨于其下曰不乘駟馬高車終不出

此關也去家十二年果如志焉阜澗水又東流入于

穀穀水又東北逕函谷關城東右合爽水

案近刻訛作合桑爽

之山海經曰白石山西五十里曰穀山其上多穀其

下多桑爽水出焉

案爽下近刻衍之字

世謂之紵麻澗北流注

于穀

案此下近刻有山海經曰四字

其中多碧綠

案近刻脫綠字

穀水又東

澗水注之山海經曰婁涿山西四十里曰白石之山

澗水出焉北流注于穀

案山海經曰北流注于穀九字原本及近刻又見澗水注

內謂之八特坂下條重出衍文

摯仲治三輔決錄注云馬氏兄弟五

人共居澗穀二水之交作五門客因舍以為名今在

河南西四十里以山海經推按里數不殊仲治所記

水會尚有故居處斯則澗水也即周書所謂我卜澗

水東言是水也

案此七十九字原本及近刻竝記在澗水注內上連山海經曰北流注于

穀九字接八特坂下今改正移于此又澗水東下近刻衍吉水二字

自下通謂澗水為

穀水之兼稱焉

案謂下近刻行之字

故尚書曰伊洛瀍澗既入

于河而無穀水之目是名亦通稱矣劉澄之云新安

有澗水源出縣北

案近刻記作北縣

又有澗水未知其源余

考諸地記竝無淵水但淵澗字相似時有字錯為淵也故閩輿地理志曰禹貢之淵水是以知傳寫書誤字繆舛真澄之不思所致耳既無斯水何源之可求乎穀水又東波水注之山海經曰瞻諸山西三十里婁涿之山無草木多金玉波水出于其陰世謂之百谷水

案世近刻說作也

北流注于穀

案此下近刻有山海經曰四字

其中多

訖石文石穀水又東少水注之山海經曰廆山西三十里曰瞻諸之山其陽多金其陰多文石少水出于

其陰控引衆溪積以成川東流注于穀世謂之慈澗也穀水又東俞隨之水注之山海經曰平蓬山西十里鹿山其陽多瑇瑁之玉俞隨之水出于其陰北流注于穀世謂之孝水也潘岳西征賦曰漂孝水以濯纓嘉美名之在茲是水在河南城西十餘里故呂忱曰孝水在河南而戴延之言在函谷關西劉澄之又云出檀山

案檀近劉說作檀下同

檀山在宜陽縣西在穀水南

無南入之理

案上所引不言南入當有脫文

考尋茲說當承緣生述

征謬誌耳緣生從戍行旅征途訊訪既非舊土故無

所究今川瀾北注澄映泥濘何得言枯涸也

案上所引無枯

涸之語當有脫文

皆為疏僻矣

東北過穀城縣北

城西臨穀水故縣取名焉穀水又東逕穀城南不歷

其北又東

案此下近刻行逕字

洛水枝流入焉今無水也

又東過河南縣北東南入于洛

河南王城西北

案近刻脫王字

穀水之右有石磧磧南出為

死穀北出為湖溝魏太和四年

集近刻批
作七年

暴水流高

三文此地下停流以成湖渚造溝以通水東西十里

決湖以注灋水穀水又逕河南王城西北

集近刻所
脫西字

謂成周矣公羊曰成周者何東周也何休曰名為成

周者周道始成王所都也地理志曰河南河南縣故

邾邾地也京相璠曰邾山名邾地邑也卜年定鼎為

王之東都謂之新邑是為王城其城東南名曰鼎門

蓋九鼎所徙入也故謂是地為鼎中楚子伐陸渾之

戎問鼎于此述征記曰穀洛二水本于王城東北合流所謂穀洛關也今城之東南缺千步世又謂之穀洛關處俱為非也余按史傳周靈王之時穀洛二水鬪毀王宮王將竭之太子晉諫王不聽遺堰三堤尚存左傳襄公二十五年齊人城郊穆叔如周賀韋昭曰洛水在王城南穀水在王城北東入于瀍至靈王時穀水盛出于王城西而南流合于洛兩水相格有似于鬪而毀王城西南也穎容著春秋條例言西城

梁門枯水處世謂之死穀是也始知緣生行中造次
入關經究故事與實違矣考王封周桓公于是為西
周及其孫惠公封少子于鞏為東周故有東西之名
矣秦滅周以為三川郡項羽封申陽為河南王漢以
為河南郡王莽又名之曰保忠信鄉案近刻
訛作鄉光武都
洛陽以為尹尹正也所以董正京畿率先百郡也穀
水又東流逕乾祭門北案王城北門
曰乾祭門子朝之亂晉所
開也東至千金竭河南十二縣境簿曰河南縣城東

十五里有千金塢洛陽記曰千金塢舊堰穀水魏時

更脩此堰謂之千金塢積石為塢而開溝渠五所謂

之五龍渠渠上立塢塢之東首立一石人石人腹上

刻勒云太和五年二月八日庚戌造築此塢更開溝

渠此水衡渠上其水助其堅也必經年歷世是故部

立石人以記之云爾蓋魏明帝脩王張故績也

案明近刻

記作

塢是都水使者陳協所造

案此下近刻衍也字

語林曰陳

協數進阮步兵酒後晉文王欲脩九龍堰阮舉協文

王用之掘地得古承水銅龍六枚堰遂成水歷竭東

注謂之千金渠逮于晉世大水暴注溝瀆泄壞又廣

功焉石人東脇下文云太始七年六月二十三日大

水迸瀑

案迸近刻訛作并

出常流上三文蕩壞二竭五龍泄

水南注瀉下加歲久漱齧每滂即壞歷載消棄大功

今故無令遏

案近刻作今故為今竭朱謀埠云宋本作捐棄大功故為今竭皆係後人臆改

更于西開泄名曰代龍渠地形正平誠得為泄至理

千金不與水勢激爭無緣當壞由其卑下水得踰上

漱齧故也今增高千金于舊一丈四尺五龍自然必

歷世無患若五龍歲久復壞可轉于西更開二塢二

渠合用二十三萬五千六百九十八功以其年十月

二十三日一起作功重人少到八年四月二十日畢代

龍渠即九龍渠也後張方入洛破千金塢永嘉初汝

陰太守李矩汝南太守袁孚脩之以利漕運

案近刻脫此二

十一字 公私賴之水積年渠塢頽毀石砌殆盡遺基見

存朝廷太和中修復故塢按千金塢石人西脇下文

云若溝渠久疏深引水者當于河南城北石磧西更

開渠北出使首狐丘

案近刻說作狐丘

故溝東下因故易就

磧堅便時事業已訖然後見之加邊方多事人力苦

少又渠竭新成未患于水是以不敢預脩通之若于

後當復興功者宜就西磧故書之于石以遺後賢矣

雖石磧淪敗故跡可憑準之于文北引渠東合舊瀆

舊瀆又東晉惠帝造石梁于水上

案梁近刻說作渠

按橋西

門之南顏文稱晉元康二年十一月二十日改治石

巷水門除豎枋更為函枋立作覆枋屋前後辟級續

石障使南北入岸築治激處破石以為殺矣到三年

三月十五日畢訖

案近刻
訛作記

并紀列門廣長深淺于左

右巷東西長七尺南北龍尾廣十二丈巷瀆口高三

丈謂之臯門橋

案臯近刻
作臯下同

潘岳西征賦曰駐馬臯門

案近刻訛作
秣馬臯門

即此處也殺水又東又結石梁跨水制

城西梁也殺水又東左會金谷水水出太白原東南

流歷金谷謂之金谷水

案近刻
脫谷字

東南流逕晉衛尉卿

石崇之故居

案北下近刻行也字

石季倫金谷詩集敘曰余以

元康七年從太僕出為征虜將軍有別廬在河南界

金谷澗中有清泉茂樹衆果竹柏藥草備具

案近刻脫作蔽

翳金谷水又東南流入于穀穀水又東逕金墉城北

魏明帝于洛陽城西北角築之

案近刻脫金谷水至此句洛陽城止共二

十六謂之金墉城

案北下近刻有魏文帝三字係衍文

起層樓于東北

隅晉宮闕名曰金墉有崇天堂即此地上架木為榭

故白樓矣

案白近刻脫作曰

皇居創徙宮極未就止蹕于此

構宵榭于故臺所謂臺以停停也南曰乾光門夾建

兩觀觀下列朱桁于堊以為御路東曰含春門北有

選門

案選近刻
說作選

城上西面列觀五十步一睥睨屋臺

置一鍾以和漏鼓西北連廡函蔭

案近刻
脫函字

墉比廣榭

案比近刻
說作北

炎夏之日高視常以避暑

案朱謀埠云高
視當作高歡考

道元以孝昌中死高寶廣之亂安得及神武
時事魏書高祖紀嘗幸洛陽視乃祖字之說為綠水

池一所在金墉者也穀水逕洛陽小城北因阿舊城

憑結金墉故向城也

案城近刻
說作地

永嘉之亂

案近刻
脫之字結

以為壘號洛陽壘

秦號下近
刻有曰字

故洛陽記曰陵雲臺西

有金市金市北對洛陽壘者也又東歷大夏門下

北案

城之西頭曰大
夏門夏度通

故夏門也陸機與弟書云門有三層

高百尺魏明帝造門內東側際城有魏明帝所起景

陽山

案明帝近刻
作文帝下同

餘基尚存孫盛魏春秋曰景初

元年

案近刻說作
黃初元年

明帝愈崇宮殿雕飾觀閣取白石

英及紫石英及五色大石于太行殺城之山起景陽

山于芳林園樹松竹草木捕禽獸以充其中于時百

役繁興

案時近刻
記作是

帝躬自掘土率羣臣三公已下莫

不展力山之東舊有九江陸機洛陽記曰九江直作

圓水水中作圓壇三破之夾水得相逕通東京賦曰

案近刻脫
東京二字

濯龍芳林九谷八溪芙蓉覆水秋蘭被涯

案近刻
記作崖

今也山則塊阜獨立江無復髣髴矣穀水又

東

案穀近刻
記作渠

枝分南入華林園歷疏圃南園中有古

玉井井悉以珉玉為之以緇石為口

案緇近刻
記作鑄

工作

精密猶不變古璨焉如新又逕瑤華宮南

案近刻
脫字

歷

景陽山北山有都亭

案有近刻
訛作在

堂上結方湖湖中起

御坐石也御坐前建蓬萊山曲池接建飛沼拂席南

面射侯夾席武峙背山堂上則石路崎嶇巖嶂峻險

雲臺風觀纓帶阜遊觀者升降阿閣

案阿近刻
訛作耶

出

入虹陞望之狀鳧沒鸞舉矣其中引水飛阜

案近刻
訛作畢

傾瀾瀑布或枉渚聲溜潺潺不斷竹柏蔭于層石繡

薄叢于泉側微飈暫拂則芳溢于六空寔為神居矣

案近刻
訛作入

其水東注天淵池中有魏文帝九華臺

案近刻訛作九花叢朱謀埠云當作九華殿基悉是
殿考壺以黃初七年築臺殿原屬一北

洛中故碑累之今造釣臺于其上池南直魏文帝茅

茨堂

案直近刻訛作置

前有茅茨碑是黃初中所立也其水

自天淵池東出華林園逕聽訟觀南故平望觀也魏

明帝常言獄天下之命也每斷大獄恒幸觀聽之以

太和三年更徙今名觀西北接華林隸簿昔劉楨磨

石處也文士傳曰文帝之在東宮也宴諸文學酒酣

命甄后出拜

案出拜近刻訛作拜坐

坐者咸伏惟劉楨平視之

案近刻訛作
平仰視之

太祖以為不敬送徒隸薄後太祖乘步

牽車乘城降閱薄作諸徒咸敬而楨拒坐磨石不動

案拒坐未詳近刻作楨
坐朱珠璋云一作匡坐

太祖曰此非劉楨也石如何

性楨曰石出荆山玄巖之下外炳五色之章內秉堅

貞之志雕之不增文磨之不加瑩稟氣貞正稟性自

然太祖曰名豈虛哉復為文學池水又東流入洛陽

縣之南池

案入近刻
訛作于

池即故翟泉也南北百一十步

東西七十步皇甫謐曰悼王葬景王于翟泉今洛陽

太倉中太冢是也春秋定公元年晉魏獻子合諸侯
之大夫于翟泉始盟城周班固服虔皇甫謐咸言翟
泉在洛陽東北周之墓地今按周威烈王葬洛陽城
內東北隅景王冢在洛陽太倉中翟泉在兩冢之間
側廣莫門道東建春門路北路即東宮街也于洛陽
為東北後秦封呂不韋為洛陽十萬戶侯大其城并
得景王冢矣是其墓地也及晉永嘉元年洛陽東北
步廣里地陷有二鵝出蒼色者飛翔冲天白色者止

馬陳留孝廉董養曰步廣周之翟泉盟會之地今色

蒼胡象矣其可盡言乎後五年劉曜王彌入洛帝居

平陽陸機洛陽記曰

案近刻脫陽字曰字

步廣里在洛陽城內

宮東是翟泉所在不得于太倉西南也京相璠與裴

司空彥季脩晉輿地圖作春秋地名亦言今太倉西

南池水名翟泉

案池近刻地作地

又曰舊說言翟泉本自在

洛陽北長弘城成周乃繞之

案近刻脫城字

杜預因其一證

謂必是翟泉

案近刻脫謂字

而即實非也後遂為東宮池晉

中州記曰惠帝為太子出聞蝦蟇聲問人為是官蝦

蟇私蝦蟇侍臣賈盾對曰在官地為官蝦蟇在私地

為私蝦蟇令曰若官蝦蟇可給廩先是有讖云蝦蟇

當貴晉朝收愍懷太子于後池即是池也其一水

自大夏門東逕宣武觀憑城結構不更增墉

案增近刻訛作

層左右夾列步廊參差翼跂南望天淵池北矚宣武

場竹林七賢論曰王戎幼而清秀魏明帝于宣武場

上為欄苞虎牙

案近刻紀作

使力士袒裼迭與之搏縱百

姓觀之戎年七歲亦往觀焉虎乘間薄欄而吼其聲

震地觀者無不辟易顛仆戎亭然不動帝于門上見

之使問姓名而異之場西故賈充宅地穀水又東逕

廣莫門北

案北城之東頭曰廣莫門

漢之穀門也北對芒阜

案芒阜古

字通連嶺脩亘

案近刻訛作垣

苞總衆山始自洛口西踰平

陰悉芒壠也

案壠近刻訛作龍

魏志曰明帝欲平北芒令登

臺見孟津侍中辛毗諫曰若九河溢涌洪水為害丘

陵皆夷何以禦之帝乃止穀水又東屈南

案近刻訛作東出屋

南宋本南
記作而

運建春門石橋下

案東城之北
頭曰建春門

即上東門

也阮嗣宗詠懷詩曰步出上東門者也一曰上升門

晉曰建陽門百官志曰洛陽十二門

案二近刻
記作一

每門

候一人

案近刻脫
每門二字

六百石東觀漢記曰郅惲為上東

門候光武嘗出夜還詔開門欲入惲不內上令從門

間識面惲曰火明遠遠遂拒不開由是上益重之亦

袁本初挂節處也橋首建兩石柱橋之石柱銘云陽

嘉四年乙酉壬申詔書以城下漕渠東通河濟南引

江淮方貢委輸所由而至使中謁者魏郡清淵馬憲
監作石橋梁柱敦敦工匠盡要妙之巧攢立重石累

高周距橋工路博流通萬里云云河南尹邳崇隗丞

渤海重合雙福水曹掾中牟任防史王蔭史趙興將

作吏睢陽申翺道橋掾成臯卑國洛陽令江雙丞平

陽降監掾王騰之主石作右北平山仲三月起作八

月畢成其水依柱又自樂里道屈而東出陽渠

案又近刻

紀作昔陸機為成都王穎入洛敗北而返

案北近刻此作此

水南即馬市

案此下近刻有七字

舊洛陽有三市斯其一也亦

嵇叔夜為司馬昭所害處也

案近刻脫亦字

北則白社故里

案此下近刻有七字

昔孫子荆會董威輦于白社謂此矣以同

載為榮故有威輦圖又東逕馬市石橋橋南有二石

柱竝無文刻也漢司空漁陽王梁之為河南也將引

穀水以溉京都渠成而水不流故以坐免後張純堰

洛以通漕

案以近刻訛作而

洛中公私穰贍

案近刻訛作穰贍

是渠

今引穀水益純之創也按陸機洛陽記劉澄之永初

記言城之西面有陽渠周公制之也昔周遷殷民于
洛邑城隍偏狹卑陋之所耳晉故城成周以居敬王
秦又廣之以封不韋以是推之非專周公可知矣亦
謂之九曲瀆河南十二縣境薄云

集河上近刻衍
故字復脫境字九

曲瀆在河南鞏縣西西至洛陽又按傅暢晉書云都
水使者陳狼鑿運渠從洛口入注九曲至東陽門是
以阮嗣宗詠懷詩所謂朝出上東門遙望首陽岑又
言遙遙九曲間裴徊欲何之者也陽渠水南暨閭闔

門

案西城之北頭曰閶闔門

漢之上西門者也漢宮記曰上西門

所以不純白者漢家厄于成故以丹鏤之太和遷都

徙門南側其水北乘高渠枝分上下歷故石橋東入

城逕望先寺中有碑碑側法子丹碑作龍矩勢

案書中曰

雲矩曰矯矩曰龍矩凡屢見朱謀埭云當作龍矩非也

于今作則佳方古猶劣

渠水又東歷故金市南直千秋門右

案宮城西門曰千秋門

宮

門也又枝流入石逕伏流注靈芝九龍池魏太和中

皇都遷洛陽經構宮極脩理街渠務窮隱發石視之

曾無毀壞又石工細密非今知所擬亦奇為精至也
遂因用之其一水自千秋門南流逕神虎門下東對
雲龍門二門衡楸之上皆刻雲龍風虎之狀以火齊
薄之及其晨光初起夕景斜輝霜文翠照陸離眩目
又南逕通門掖門西又南流東轉逕閭闔門南

案此乃宮

城正南門下云改雉門為閭闔門是也與前後所言閭闔門同名異地

案禮王有五門

謂臯門庫門雉門應門路門路門一曰畢門亦曰虎
門也魏明帝上法太極于洛陽南宮起太極殿于漢

崇德殿之故處改雉門為閭闔門昔在漢世洛陽宮

殿門題多是大篆言是蔡邕諸子自董卓焚宮殿魏

太祖平荊州漢吏部尚書安定梁孟皇善師宜官八

分體求以贖死太祖善其法常仰繫帳中愛翫之以

為勝宜官北宮榜題咸是鵠筆南宮既建明帝令侍

中京兆韋誕以古篆書之皇都遷洛始令中書舍人

沈含馨以隸書書之景明正始之年又敕符節令江

式以大篆易之今諸桁榜題皆是式書周官太宰以

正月懸治法于象魏廣雅曰闕謂之象魏風俗通曰

魯昭公設兩觀于門是謂之闕從門歛聲爾雅曰觀

謂之闕說文曰闕門觀也漢官典職曰偃師去洛四

十五里望朱雀闕其上鬱然與天連是明峻極矣洛

陽故宮名有朱雀闕白虎闕蒼龍闕北闕南宮闕也

東觀漢記曰更始發洛陽李松奉引車馬奔觸北闕

鐵柱門三馬皆死即斯闕也白虎通曰門必有闕者

何闕者所以飾門別尊卑也今閭闔門外夾建巨闕

以應天宿雖不如禮猶象而魏之

案而字近刻說在下句上字之下

上加復思以易觀矣廣雅曰復思謂之屏釋名曰屏

自障屏也罩思在門外罩復也臣將入請事于此

案近

刻諸說作言

復重思之也漢末兵起壞園陵罩思曰無使

民復思漢也故鹽鐵論曰垣闕罩思言樹屏隅角所

架也穎容又曰闕者上有所失下得書之于闕所以

求論譽于人故謂之闕矣今闕前水南道右置登聞

鼓以納諫昔黃帝立明堂之議堯有衢室之問舜有

告善之旌禹有立鼓之訊湯有總街之誅武王有靈

臺之復皆所以廣設過誤之備也渠水又枝分夾路

南出逕太尉司徒兩坊間

案出字近刻記在逕字下

謂之銅駝街

舊魏明帝置銅駝諸獸于闔闔南街陸機云駝高九

尺脊出太尉坊者也

案脊近刻訛作即

水西有永寧寺熙平

中始創也作九層浮圖浮圖下基方十四丈自金露

槃下至地四十九丈取法代都七級而又高廣之雖

二京之盛五都之富利剝靈圖未有若斯之構按釋

法顯行傳西國有爵離浮圖其高與此相狀東都西
域俱為莊妙矣其地是曹爽故宅經始之日于寺院
西南隅得爽窟室下入土可丈許

案土近地壁悉累
剝作地

方石砌之石作細密都無所毀其石悉入法用自非
曹爽庸匠亦難復制此桓氏有言曹子丹生此豚犢
信矣渠左是魏晉故廟地今悉民居無復遺墉也渠
水又西歷廟社之間南注南渠廟社各以物色辨方
周禮廟及路寢皆如明堂而有燕寢焉惟祧廟則無

案則近刻
訛作別

後代通為一廟列正室于下無復燕寢之

制禮天子建國左廟右社以石為主祭則希冕今多

王公攝事王者不親拜焉咸寧元年

案寧近刻
訛作陵

洛陽

大風帝社樹折青氣屬天元王東渡魏社代昌矣渠

水自銅駝街東逕司馬門南魏明帝始築闕崩壓殺

數百人遂不復築故無闕門南屏中舊有置銅翁仲

處金狄既淪故處亦禡惟壞石存焉自此南直宣陽

門經緯通達

案經近刻
訛作徑

皆列馳道往來之禁一同兩

漢曹子建嘗行御街犯門禁以此見薄渠水又東逕
杜元凱所謂翟泉北今無水坎方九丈六尺深二丈
餘似是人工而不類于泉陂是驗非之一證也又皇
甫謐帝王世紀云王室定遂徙居成周小不受王都
故壞翟泉而廣之泉源既塞明無故處是驗非之二
證也杜預言翟泉在太倉西南既言西南于洛陽不
得為東北是驗非之三證也稽之地說事幾明矣不
得為翟泉也渠水歷司空府前逕太倉南出東陽門

石橋下

集出東近刻
記作東出

注陽渠殺水自閭闔門而南逕

土山東

集此闕闔門乃上西門也近
刻記作逕闔闔而南土山東

水西三里有坂

坂上有土山漢大將軍梁冀所成築土為山植木成

苑

集木近刻
記作林

張璠漢記曰山多峭坂以象二峭積金

玉探捕禽獸以充其中有人殺苑兔者送相尋逐死

者十三人南出逕西陽門

集正西曰
西陽門

舊漢氏之西明

門也亦曰雍門矣舊門在南太和中以故門邪出

集

近刻記
作邪

故徙是門東對東陽門殺水又南逕白馬寺

東晉漢明帝

案晉近刻
訛作是

夢見大人金色項佩白光以

問羣臣或對曰西方有神名曰佛形如陛下所夢得

無是乎于是發使天竺寫致經像始以榆櫨盛經白

馬負圖表之中夏故以白馬為寺名此榆櫨後移在

城內愍懷太子浮圖中近世復遷此寺然金光流照

法輪東轉創自此矣穀水又南逕平樂觀東李尤平

樂觀賦曰乃設平樂之顯觀章祕偉之奇珍華嶠後

漢書曰靈帝于平樂觀下起大壇上建十二重五采

華蓋高十丈壇東北為小壇復建九重華蓋高九丈
列奇兵騎士數萬人天子住大蓋下禮畢天子躬擐
甲稱無上將軍行陣三市而還設祕戲以示遠人故
東京賦曰其西則有平樂都場示遠之觀龍雀蟠蜿
天馬半漢應劭曰飛廉神禽能致風氣古人以良金
鑄其象集近刻
作形明帝永平五年長安迎取飛廉并銅
馬置上西門外平樂觀今于上西門外無他基觀惟
西明門外獨有此臺巍然廣秀疑即平樂觀也又言

皇女稚殤埋于臺側故復名之曰皇女臺晉灼曰飛

廉鹿身頭如雀有角而蛇尾豹文董卓銷為金用銅

馬徙于建始殿東階下胡軍喪亂此象遂淪穀水又

南逕西明門

案西城南頭曰西明門近刻訛作西門門

故廣陽門也門左

枝渠東派入城逕太社前又東逕太廟南又東于青

陽門右下注陽渠穀水又南東屈逕津陽門南

案南城西

頭曰津陽門

故津門也

案近刻津下衍陽字

昔洛水泛決漂害者衆

案近刻漂下衍落字

津陽城門校尉

案近刻脫尉字

將築以遏水諫議

大夫陳宣止之曰王尊臣也

案近刻宣說作宜尊說作連

水絕其

足朝廷中興必不入矣水乃造門而退穀水又東逕

宣陽門南

案南城西頭次門曰宣陽門

故苑門也皇都遷洛移置

于此對閭闔門南直洛水浮桁故東京賦曰汴洛背

河左伊右瀍者也夫洛陽考之中土卜惟洛食寔為

神也

案此語有舛誤

門左即洛陽池處也池東舊平城門所

在矣今塞北對洛陽南宮

案洛近刻說作南

故蔡邕曰平城

門正陽之門與宮連屬郊祀法駕所由從出門之最

尊者洛陽諸宮名曰南宮有謬臺臨照臺東京賦曰

其南則有謬門曲榭邪阻城洫

秦邪近刺訛作依

注云謬門

冰室門也阻依也洫城下池也皆屈曲邪行依城池
為道故說文曰隍城池也有水曰池無水曰隍矣謬
門即宣陽門也門內有宣陽冰室周禮有冰人日在
北陸而藏之西陸朝覲而出之冰室舊在宣陽門內
故得是名門既擁塞冰室又罷穀水又逕靈臺北望
雲物也漢光武所築高六丈方二十步世祖嘗宴于

此臺得鼯鼠于臺上亦諫議大夫第五子陵之所居

倫少子也以清正

案朱謀埥云此下疑脫為郡功曹四字

洛陽無主人

鄉里無田宅寄止靈臺或十日不炊司隸校尉南陽

左雄尚書廬江朱孟興等皆倫故孝廉功曹

案近刻脫皆倫

二各致禮餉竝辭不受永建中卒穀水又東逕平昌

門南

案正南門曰平昌門

故平門也又逕明堂北漢光武中元

元年立尋其基構上圓下方九室重隅十二堂蔡邕

月令章句同之故引水于其上為辟雖也穀水又東

逕開陽門南

案南城東頭曰開陽門

晉官閣名曰故建陽門也

漢官曰

案漢官下朱謀埠云宋本有倣字

開陽門始成未有名宿晉

有一柱來在樓上琅琊開陽縣上言縣南城門

案近刻脫

縣一柱飛去光武皇帝使來識視良是遂堅縛之

案縛字

近刻說作傳

因刻記年月日以名焉何湯字仲弓

案此五字近刻

說作湯仲弓三字

嘗為門候上微行夜還湯閉門不內朝廷

嘉之又東逕國子太學石經北周禮有國學教成均

之法學記曰古者家有塾黨有庠遂有序國有學亦

有虞氏之上庠下庠夏后氏之東序西序殷人之左

學右學

案近刻脫此二字

周人之東膠虞庠王制云養國老

于上庠養庶老于下庠故有太學小學教國之子弟

焉謂之國子漢魏以來置太學于國子堂東漢靈帝

光和六年刻石鑲碑載五經立于太學講堂前悉在

東側禁邕以熹平四年

案熹平刻此作嘉

與五官中郎將堂

谿與光祿大夫楊賜諫議大夫馬日碑議郎張馴韓

說太史令單颺等

案近刻脫楊賜諫議大夫馬日八字又碑訛作彈劾訛作訓

奏

求正定六經文字靈帝許之邕乃自書丹于碑使工
鐫刻立于太學門外于是後儒晚學咸取正焉及碑
始立其觀視及筆寫者車乘日千餘輻填塞街陌矣
今碑上悉銘刻蔡邕等名魏正始中又立古篆隸三
字石經古文出于黃帝之世倉頡本鳥跡為字取其
孳乳相生故文字有六義焉自秦用篆書焚燒先典
古文絕矣魯恭王得孔子宅書不知有古文謂之科
斗書蓋因科斗之名遂效其形耳言大篆出于周宣

之時史籀創著平王東遷文字乖錯秦之李斯及胡
毋敬又改籀書謂之小篆故有大篆小篆焉然許氏
字說專釋于篆而不本古文言古隸之書起于秦代
而篆字文繁無會刺務

案近刻記作
無會刺者

故用隸人之省

謂之隸書或云即程邈于雲陽增損者是言隸者篆
捷也孫暢之嘗見青州刺史傅弘仁說臨淄人發古
冢得銅棺前和外隱為隸字言齊太公六世孫胡公
之棺也惟三字是古餘同今書證知隸自出古非始

于秦魏初傳古文出邯鄲淳石經古文轉失淳法樹

之于堂西石長八尺廣四尺列石于其下碑石四十

八枚

案十近刻
訛作十

廣三十丈魏明帝

案近刻訛
作文帝

又刊典

論六碑附于其次陸機言太學贊別一碑在講堂西

下列石龜碑載蔡邕韓說堂谿典等名

案近刻訛作
高堂谿等名

太學弟子贊復一碑在外門中今二碑竝無石經東

有一碑是漢順帝陽嘉元年立

案元近刻
訛作八

碑文云建

武二十七年造太學年積毀壞永建六年九月詔書

脩太學刻石記年用作工徒十一萬二千人

案近刻作字在

工字 楊嘉元年八月作畢

案元近刻說作九

碑南面刻頌表

裏鏤字猶存不破漢石經北有晉辟雖行禮碑是太

始二年立其碑中折但世代不同物不停故石經淪

缺存半毀幾駕言永久諒用憮焉考古有三雖之文

今靈臺太學竝無辟雖處晉永嘉中王彌劉曜入洛

焚毀二學尚髣髴前基矣穀水于城東南隅枝分北

注逕青陽門東

案東城南頭曰青陽門

故清明門也亦曰稅門

亦曰芒門又北逕東陽門東

案正東門曰東陽門

故中東門也

又北逕故太倉西洛陽地記曰大城東有太倉倉下
運船常有千計即是處也又北入洛陽溝穀水又東
左逕為池又東右出為方湖東西百九十步南北七
十步故水衡署之所在也穀水又東南轉屈而東注
謂之阮曲云阮嗣宗之故居也穀水又東注鴻池陂
百官志曰鴻池池名也在洛陽東二十里丞一人二
百石池東西千步南北千一百步四周有塘池中又

有東西橫塘水溜徑通

案徑近刻
記作逕

故李元鴻池陂銘

曰鴻澤之陂聖王所規開源東注

案源近刻記作水
朱謀埭云舊本作

又出自城池也其水又東左合七里澗晉後畧曰成

都王穎使吳人陸機為前鋒都督伐京師輕進為洛

軍所乘

案近刻說作
為治軍所處

大敗于鹿苑人相登躡死于塹

中及七里澗澗為之滿即是澗也澗有石梁即旅人

橋也昔孫登不欲久居洛陽知楊氏榮不保終思欲

遷跡林鄉隱淪妄死

案妄近刻
記作忘

楊駿埋之于此橋之

東駿後尋亡矣搜神記曰太康末京洛始為折楊之
歌有兵革辛苦之辭駿後被誅太后幽死折楊之應
也

案楊下近
刺行為字

凡是數橋皆累石為之亦高壯矣制作

甚佳雖以時往損功而不廢行旅朱超石與兄書云
橋去洛陽宮六七里悉用大石下圓以通水可受大

舫過也

案此下近刻有奇
制作三字係衍文

題其上云太康三年十一

月初就功日用七萬五千人至四月末止此橋經破
落復更脩補今無復文字陽渠水又東流逕漢廣野

君鄴食其廟南

秦殺水自閭闔門而南以下並陽渠水原本及近刻獨北處及下邳毫殷

忽而稱陽渠後復稱殺水考其地相比此次非有錯素而稱名參差或後人臆改使然今姑仍之廟在

北山上成公綏所謂偃師西山也山上舊基尚存廟

宇東向

案近刻作東而

門有兩石人對倚北石人胷前銘云

門亭長石人西有二石闕雖經頽毀猶高丈餘闕西

即廟故基也基前有碑文字剝缺不復可識子安仰

澄芬于萬古讚清徽于廟像文字厥集矣陽渠水又

東逕毫殷南昔盤庚所遷改商曰殷此始也班固曰

尸鄉故殷湯所都者也故亦曰湯亭薛瓚漢書注皇

甫謚帝王世紀竝以為非以為帝嚳都矣晉太康記

地道記

案近刻訛作晉太康地理記

竝言田橫死于是亭故改曰

尸鄉非也余按司馬彪郡國志以為春秋之尸氏也

其澤野負原夾郭多墳隴焉即陸士衡會王輔嗣處

也袁氏王陸詩敘機初入洛次河南之偃師時忽結

陰望道左若民居者因往逗宿見一少年姿神端遠

與機言玄機服其能而無以酬折前致一辭

案近刻訛作前

至一機題緯古今綜檢名實此少年不甚欣解將曉辨文

去稅駕逆旅姬曰君何宿而來自東數十里無村落

止有山陽王家墓

案止近刻記作上

機乃怪悵還睇昨路空

野靄雲攢木蔽日知所遇者審王弼也此山即祝雞

翁之故居也搜神記曰祝雞翁者

案近刻脫祝字

洛陽人也

居尸鄉北山下養雞百年餘雞至千餘頭皆有名字

欲取呼之名則種別而至後之吳山莫知所去矣殺

水又東逕偃師城南皇甫謐曰帝嘗作都于亳偃師

是也王莽之所謂師氏者也穀水又東流注于洛水矣

甘水出弘農宜陽縣鹿蹏山

山在河南陸渾縣故城西北俗謂之縱山水之所導

發于山曲之中故世人目其所為甘掌焉

案掌近刻訛作棠

東北至河南縣南北入洛

甘水發源東北流北屈逕一故城東在非山上世謂

之石城也京相璠曰或云甘水西山上夷汙而平

案夷

汙近刺訛
作夢汙

有故甘城在河南城西二十五里指謂是

城也余按甘水東十許里洛城南有故甘城焉北對

河南故城世謂之鑒洛城鑒甘聲相近即故甘城也

為王子帶之故邑矣是以昭叔有甘公之稱焉甘水

又與非山水會水出非山東谷東流入于甘水甘水

又于河南城西北入洛經言縣南非也

案此下近京
刺衍故字

相璠曰今河南縣西南

案近刻重河南二
字脫西南二字

有甘水北

入洛斯得之矣

漆水出扶風杜陽縣俞山東北入于渭

山海經曰踰次之山漆水出焉北流注于渭蓋自北

而南矣高書禹貢太史公禹本紀云導渭水東北至

涇又東過漆沮入于河

案近刻過訛作涇河訛作洛

孔安國曰漆

沮一水名矣

案今書傳作二水名

亦曰洛水也出馮翊北周太

王去邠度漆踰梁山

案近刻訛作上

止岐下故詩云民之初

生自土沮漆

案近刻訛作漆沮

又曰率西水潄至于岐下是

符禹貢本紀之說許慎說文稱漆水出右扶風杜陽

縣岐山東入渭從水泰聲又云一曰漆城池也潘岳

關中記曰關中有涇渭灃澇鄠漆沮之水鄠鄠漆

沮四水在長安西南鄠縣漆沮皆南注

案近刻脫漆沮南三字

鄠鄠水北注

案此下近刻有渭字

開山圖曰麗山西北有溫池

案近刻說作地朱謀埤云吳本改作池考永樂大典內已作溫池非吳氏改也

溫池西南八

十里岐山

案近刻說作川

在杜陽北

案近刻說作在杜陵埤

長安西有

渠謂之漆渠班固地理志云漆水在漆縣西

案在近刻說作

出關駟十三州志又云漆水出漆縣西北至岐山

案近

則脫至字東入渭今有水出杜陽縣岐山北漆溪謂之漆

渠西南流注岐水但川土奇異今說互出考之經史各有所據識淺見浮無以辨之矣

澹水出京兆藍田谷北入于灃

地理志曰澹水出南陵縣之藍田谷西北流與一水合水出西南莽谷東北流注澹水澹水又北歷藍田川北流注于灃水地理志曰澹水北至霸陵入霸水沮水出北地直路縣東過馮翊郡朔方縣北東入于洛

地理志曰沮出直路縣西東入洛

案近刻訛作出今
幾縣西東入洛

水自直路縣東南逕譙石山

案譙近
刺作譙

東南流歷檀臺

川俗謂之檀臺水屈而夾山西流又西南逕宜君川

世又謂之宜君水又得黃嶽水口水西北出雲陽縣

石門山黃嶽谷東南流注宜君水又東南流逕祓祠

縣故城西縣以漢景帝二年置

案朱謀埈云宋本以
下有漢名二字今以

大義考之其水南合銅官水水出縣東北

案近刻脫
縣字又此

乃衍文

句之下西南逕銅官川謂之銅官水又西南流逕祓

衍而字

裒縣東西南流逕其城南原下而西南注宜君水宜

君水又南出土門山西又謂之沮水又東南歷土門

南原下東逕懷德城南城在北原上又東逕漢太上

皇陵北陵在南原上沮水東注鄭渠昔韓欲令秦無

東伐使水工鄭國間秦鑿涇引水謂之鄭渠渠首上

承涇水于中山西邠瓠口

案近刻脫邠字

所謂瓠中也爾雅

以為周焦穫矣為渠竝北山

案近刻脫為字

東注洛三百餘

里欲以溉田中作而覺秦欲殺鄭國

案近刻脫而字秦字

鄭國

曰

案近刻脫鄭國二字

始臣為間然渠亦秦之利

案近刻渠卒下有成字

卒

使就渠渠成而用注填闕之水溉澤鹵之地四萬餘

頃

案近刻脫之地二字

皆晦一鍾闕中沃野無復凶年秦以富

彊卒并諸侯命曰鄭渠渠潰東逕宜秋城北又東逕

中山南河渠書曰鑿涇水自中山西

案近刻訛作而

封禪書

漢武帝獲寶鼎于汾陰將薦之甘泉鼎至中山氤氲

有黃雲蓋焉徐廣史記音義曰闕中有中山非冀州

者也指澄此山俗謂之仲山非也鄭渠又東逕捨車

宮南絕冶谷水

案治近刻
訛作治

鄭渠故瀆又東逕穢薛山

南池陽縣故城北又東絕清水又東逕北原下濁水

注焉自濁水以上今無水

案近刻脫
今字水字

濁水上承雲陽

縣東大黑泉東南流謂之濁谷水又東南出原注鄭

渠又東歷原逕曲梁城北又東逕太上陵南原下北

屈逕原東與沮水合分為二水一水東南出即濁水

也至白渠與澤泉合俗謂之漆水又謂之為漆沮水

絕白渠東逕萬年縣故城北為櫟陽渠城即櫟陽官

也漢高帝葬皇考于是縣起墳陵署邑號改曰萬年

也地理志曰馮翊萬年縣高帝置王莽曰異赤也故

徐廣史記音義曰櫟陽今萬年矣關駟曰縣西有涇

渭北有小河謂此水也

案謂近刻訛作渭

其水又南屈更名

石川水又西南逕郭狼城西與白渠枝渠合又南入

于渭水也其一水東出即沮水也東與澤泉合水出

沮東澤中與沮水隔原相去十五里俗謂是水為漆

水也東流逕薄昭墓南冢在北原上又逕懷德城北

東南注鄭渠合沮水又自沮直絕注濁水至白渠合
焉故濁水得漆沮之名也沮循鄭渠東逕當道城南
城在頻陽縣故城南頻陽宮也秦厲公置城北有頻
山山有漢武帝殿以石架之縣在山南故曰頻陽也
應劭曰縣在頻水之陽今縣之左右無水以應之所
可當者惟鄭渠與沮水又東逕蓮芍縣故城北十三
州志曰縣以草受名也沮水又東逕漢先武故城北
又東逕栗邑縣故城北王莽更名栗城也後漢封騎

都尉耿夔為侯國其水又東北流注于洛水也

案近
刺作

矣

水經注卷十六